

欽定吏部銓選則例

欽定吏部銓選漢官則例卷之八目錄上

雜例

京官告假

○現任五品科道以下等官告假○漢官文職各官並候補候選人員告假

外官告假

教職告假

遠省現任教職留京會試

候補候選人員咨送鄉會試

候補候選人員同籍

行查在籍候補候選人員事故

在籍候選佐雜教職各直省按年咨報

在籍候選人員遺失執照補給後行知原籍

候補候選人員告降

現任裁缺各官留省補用

丁憂人員不准保題留任

孤缺改補

科道迴避

迴避本省

○京官迴避外官及教職分別迴避
○赴部分發人員分別聲明寄籍用
產等項

接壤迴避

親族迴避

○京外各官分別迴避親族姻親○
督撫藩臬道府迴避學政○候補官
員迴避給咨限期

現充鹽商人員不准補戶部司官

迴避人員仍留原任

揀選迴避

坐補原缺

○病痊等項坐補並親老告近及養
親事畢○界連省分

候選分發親老告近人員分別改掣

行文註明坐日計扣限期

部中有關缺分文件附入馬遞

各省有關缺分文件附入馬遞

奉天等省緊要部文統附入馬遞

各項陞選人員引 見

奏摺移送內閣

滿洲漢司員赴閣鈔寫事件

九卿會議事件

會銜題調

八旗等衙門事件由部轉行外省清字事件譯

漢文知照

特用人員分部

特旨人員分別引 見

各部員外郎有俟陞郎中後以陞階卽選之案

未經陞用補放御史請 旨

鹽運使道府請 旨

旗員服制未滿停其 簡放外任

特旨陞用人員赴任回任

道府請 旨部選各缺不准改題調缺

道府請

旨缺候補人員不准請

簡

京堂謝

恩

外任官員謝

恩

欽定吏部銓選漢官則例卷之八上

雜例

京官告假

現任五品科道以下等官告假

一在京大小各官有因修墓省親遷葬送親迎親畢姻等項告假均一律不論歷俸年限除京堂自行具奏外其五品之科道以下等官取具同鄉京官印結具呈該衙門堂官咨部吏部卽以該衙門咨到之日開缺仍附入半

月筭題外庸扣算往返程途在家月日統俟
該員銷假後仍回該衙門候補其本衙門咨
請暫假員缺不開者概不准行俸深遇應陞
月分亦不准告假其在京官員聞其父母患
病急欲省視或父母年逾七十而衰憊者著
取具同鄉京官印結具呈本衙門該堂官具
奏請

旨給假回籍該堂官具奏之後卽行知照吏部問缺
不必筭題如有祇請暫假數月假滿回任並

不聲明例應開缺含糊陳奏者俟知照吏部
後除仍行開缺外並將具奏之該堂官交部
議處如庶吉士有因省親接眷修墓葬親並
實因資斧不繼請假回籍措資等事不必拘
以歷俸年限准其取具同鄉京官印結據實
聲明具呈本衙門咨明吏部附入彙題其餘
各衙門額外人員有告病省親接眷修墓葬
親等項並資斧不繼呈請回籍毋庸拘以年
限令其取具同鄉京官印結具呈本衙門咨

明吏部給假俟報滿補缺時俱將告假日期

扣除

其分部人員內如有例應在部投供候選者仍查明該員是否頂選分別辦理

例載候補候選人員回籍條內

漢軍文職各官並候補候選人員告假

一漢軍文職各官如有告假出外者除京堂以

上應聽其自行具奏及丁憂回旗外任按察

使以上各官其職與京堂相等應由各旗都

統敘明告假緣由具奏請

旨外其定例不准自行摺奏及科道以下各官除漢

軍專缺人員

凡品級考所職
係漢軍專缺者

仍照旗員告假

之例辦理外

例載滿洲官
員告假條內

其餘並非漢軍專

缺之現任及各衙門候補額外人員如有告

假省親或因父母現在任所患病躬親省視

或業已病故接取柩櫬或因祖父母在任有

故該員並無可靠之子祇有其孫可以前往

者准其告假如胞伯叔父母及胞兄弟柩櫬

眷屬往回該員親子尙在年幼亦准胞姪及

胞兄弟告假前往其有胞姑母胞姊妹並曾

經出繼之胞伯叔兄弟等並無子嗣或親子

尙在年幼胞姪胞兄弟均一體准其告假前

往

此外概不准給假

並新放外任人員有令親子姪

請假護送赴任者俱具呈本衙門堂官均由

該堂官按照省分程途酌量定限給假除去

往返程途統不得逾四個月之限移咨吏部

實缺人員以該衙門咨到之日開缺仍附入

半月彙題俟假滿該旗咨報回京人文到部

令其候補其本衙門咨請暫假員缺不開者

概不准行俸深遇應陞月分亦不准告假其

候補額外人員俟補缺時俱將告假日期扣

除應扣離署日期以至候選各官有因前項

事故告假者由該旗都統酌量給假亦知照

吏部於月底彙題

其在部投供候選者仍查明該員是否頂選分別辦

理例載候補候選人員回籍條內

以上告假各官吏部覈准

後卽知照戶部停其領俸知照兵部給發路

引口票並於路引口票內註明起程日期以

便扣限

往返程途比照官員自京赴任憑限加倍計算如順天限十日往返以二

十日計算雲南限一百十日往返則以二百
二十日計算其告假前往吉林往返程途比
照安徽省五十五日之限加倍計算黑龍江
照福建省八十日之限加倍計算各官自京
赴任憑限載其有逾限者照赴任違限例議
處分例內
處儻有患病及中途阻滯緣由取具該地方
官印結報部准其展限

外官告假

一鹽運使道府等官由京赴任及揀發赴省有
暫假回籍者許其赴部呈明省親祭掃給假
二十日修墓軍務省分之員遷葬給假一個
祇准告假十日

月總不得逾一月之限吏部按月彙奏一次
同知以下等官亦照道府之例無論是否順
道一體准其給假按月彙題一次其給假之
員由部給與執照應出口者知照兵部給發
口票並知照原籍督撫令該地方官查明該
員到籍起程各日期逐一報部如有逾限照
例叅處

乾隆十六年十二月內閣奉

上諭道府等官於請訓赴任時有面奏暫假回籍經允

准者俱於次日具呈吏部覆奏此雖向例而人容有不知者文員告假之事有何關繫此不過陛見之時以爲奏對寒賁耳嗣後各省道府等官俱不得於請訓時自行乞假但令赴部呈明其應否准行之處卽由該部酌定給以假期仍按月彙奏以昭畫一欽此
應欽遵

諭旨恭纂入例

教職告假

一各省教職歷俸三年以上如有父母在家不

能迎養欲回籍省親及葬親省墓等事准其
牒移州縣官轉詳該管上司查明委係確情
取具該州縣印結計其程途遠近酌給假期
報明存案告假期內停其食俸仍將起程回
任日期分晰報部吏部於俸冊內註明陞轉
時照離任事故之例按日扣除員缺毋庸開
選如遇論俸應陞之時該員正在告假限內
停其陞轉俟假滿咨報到部之日再行陞用
不得一學兩官同時告假亦不得告假之後

復行請假如一學祇設一官者亦准一體給假令該州縣暫攝學篆其准給假之員該上司勒限回任儻有一時抱病不能依限回任者今原籍地方官驗明結報許其展限一月治痊回任如一月限滿不痊照告病例令原籍地方官驗明出結咨部開缺如有捏飾等弊將本員並原籍地方官照例分別議處儻無故逾限不到該督撫照例咨參

遠省現任教職留京會試

一現任雲貴等邊遠省分教職

如雲南貴州廣東廣西福建四

川以及甘肅口外各邊遠地方來京會試未第適遇

恩正兩科接連會試如有情願留京應試者准其呈

明吏部毋庸開缺並行文各該督撫卽令各

原委之員署理仍知照禮部亦毋庸給發該

員回任執照准其留京會試其餘近省及並非

恩正兩科接連會試者均不准照此辦理至在京課

讀之候選教職鄉試中式舉人或原係舉人

選授得缺計其題本奉

旨之日距次年會試之日如在半年以內有情願留

京會試者無論遠近省分均准其取具同鄉

京官印結呈明留京應試

其各項貢生候選教職在京課讀選

授得缺題本奉

旨之日距本年鄉試之

日在三個月以內者亦准其取具同鄉官印

結呈明吏部

毋庸開缺移會吏科並行知該

留京鄉試
督撫扣展憑限

候補候選人員咨送鄉會試

一凡貢監生及舉人出身捐納正佐各官及候

補候選教職遇鄉會試年分投供之員准其

具呈吏部佐雜教職取具同鄉京官印結投
部均載明三代履歷由吏部咨送國子監禮
部應試其各衙門額外捐納分發學習人員
並小京官筆帖式均由該衙門自行咨送其
餘舉人山木籍請咨會試貢監生由學政錄
科應試至由舉人貢生出身曾任正佐之員
緣事降調改入教職以及教職降至佐雜各
員均不准其再行應試其拔貢分發知縣到
省後未經委署告假回籍者遇鄉試時由原

籍督撫聲明並未委署地方字樣咨送吏部
劄監錄科仍不得臨時告假徑行來京取結
應試其有先經告假在籍遇鄉試時願應本
省鄉試者亦由本省督撫確切查明實係未
經委署地方准其一體考試仍不得因鄉試
屆期始行告假回籍至中式舉人後尙未委
署補缺告假在籍來京會試亦卽照大挑知
縣辦理仍由本籍督撫給咨至由拔貢保舉
捐納分發各員均不准其應試

候補候選人員回籍

一 到京候補候選內外大小官員有情願回籍者具呈到部吏部查明該員是否頂選係屬頂選之員不准回籍如選期尙遠准其回籍伊等來京之日投供扣限仍照原文補授其考定內閣中書具呈給假回籍者亦應准行俟來時仍照考取註冊名次挨補行查在籍候補候選人員事故

一 在籍候補候選各項佐雜教職等官一年行

查一次吏部視員缺之多寡銓次之遲速酌定三二年內可選人員於每年歲底時按冊指名開單行文各省督撫府尹轉飭各屬於奉文之日起勒限三個月將單開各員確切查明有無事故按限專咨報部不得視為具文儻復任意遲延逾限不報經吏部發憑後始聲明該員事故各該督撫府尹即將開報遲延之地方官咨部照例議處其未經行查各員如有病故令該地方官隨時查察詳報

卽以該員病故之日起予限三個月由該督撫府尹專咨報部如有逾限將該地方官照例議處並令該地方官於稽察門牌時卽查明有無官職有無事故按季申報如有逾限卽行嚴叅其有業經外徙之員該地方官確查並無下落亦卽取具原里鄰切實甘結先行報部存案暫停銓選儻地方官任意遲延逾限不報該督撫府尹卽行咨部照例議處如外徙之員續經回籍亦令該地方官將該

員從前在外緣由確實查明結報由該督撫
府尹咨報到部仍按原班銓選至遇有事故
各員除照例隨時咨報外仍於每年春秋二
季再行按限彙報一次以憑稽考

道光八年十二月奉

上諭吏部議奏疏通正途銓選班次各條內在籍候選
人員遇有事故並不隨時咨報迨經該部照例行查
仍不詳細查明彙報往往有部中具題發憑到籍始
行查無其人報部開缺之事以致員缺久懸著直省

各督撫轉飭各屬查明在籍應選人員遇有事故除照例隨時咨報外仍於每年春秋二季按限彙報一次以憑稽考儻經此次飭諭之後各省彙報冊內復有遲延遺漏經吏部銓選發憑後始將該員事故咨報開缺者卽將開報遲延遺漏之地方官照例議處等因欽此應欽遵恭纂入例

在籍候選佐雜教職各直省按年咨報

一在籍候選佐雜教職各員各直省督撫府尹

飭令各州縣於每年春季酌定日期出示城

鄉令本員親赴本籍州縣報到並呈明現在
並無事故其有遊幕外出者准該家屬呈報
該州縣即將報到各員申詳督撫府尹該督
撫府尹彙齊造冊咨報按照程途遠近統於
本年封篆以前到部以備銓選如有輪選到
班而該省冊報無名卽行扣除將冊報並無
事故之員挨次銓選如輪選到班而該省冊
報未到除有事故已專咨
報部應扣除外仍按班銓選如該
地方
官有任聽書役需索滋事情弊該督撫府尹
立卽嚴參懲辦如報到名冊到部遲延將該

督撫及地方官分別議處儻有遺漏至外選得缺發憑到籍始行查覆報部開缺另選者卽將地方官加等議處如竟任意不行咨其報將該督撫及地方官處分從嚴覈辦其

按班應選之員有在京課讀者准其就近取具同鄉京官印結每年於封篆前呈明並無事故報部一次存案備選以上各員如有初次未經報到至下次始行報到者亦聽其便在籍候選人員遺失執照補給後行知原籍一在籍候選人員遺失執照赴部補領者由原失地方督撫咨報及由順天府五城察院移

會到部方准取具同鄉京官印結補給執照
仍行知該員原籍存案其遺失原照獲日送
部查銷分發領照赴省候補各員遺失執照
由原失地方督撫咨報及由順天府五城察
院移會到部者覈與補領相符卽行照准以
上呈報遺失執照人員除實係風水漂溺被
火延燒及遇盜搶劫確有顯蹟者應免置議
外其因他故遺失者應照防範不嚴例議處
其由五城司坊呈報遺失並未由順天府五

城察院衙門加具切實文結者一概議駁

候補候選人員告降

一凡各項議敘人員不准告降其餘候補候選
提舉運副告降者以通判川通判告降者以
按察司經歷知事布政司都事鹽運司經歷
外府經歷外縣縣丞用州同州判告降者以
縣丞用正九品之主簿等官告降者以從九
品等缺用滿洲蒙古漢軍考職吏目告降從
九品者准其以巡檢等官選用告降未入流

者准其以典史等官選用旗員取具本旗都

統印文准其註冊銓選

滿洲蒙古漢軍告降從九品未入流統歸

一班較日期先後選用其銓選班次詳載雙月大選例凡例內未經指出者俱不准告降降補之後不准仍帶原銜其餘各項告降人員取具同鄉

京官印結具呈投部准其告降以具呈日期

註冊附於本年本項人員之末選投補用

如候

補人員應照投文次序者附於本年投文人員之末捐納人員應照班次日期先後者附於本班本年捐納人員之末考職者附於本年本項考職人員之末之類

現任裁缺各官留省補用

一各省知縣以上並雜職等缺遇有裁汰現任
裁缺之員仍留各本省歸於裁缺卽用班內
以接到部文之日作爲到省日期遇有相當
之缺先儘題咨補用補用班次詳載補用
試用人員題缺條內木
省設無相當之缺總督所轄之鄰省亦准酌
量收發如無總督兼轄省分卽以連界省分
改發如連界省分均有相
當之缺卽掣定一省若連界省分又無
相當之缺吏部卽於有缺各省統行掣籤掣
定一省行令該督撫給咨該員前赴掣定省

分交該督撫遇有相當缺出先儘補用其在
京各缺以及由部陞選之外任官員尙未領
憑赴任並各省之教職設遇員缺議裁所有
裁缺另補之員仍歸吏部照例補用

補用班
次詳載

選法
雜條

丁憂人員不准保題留任

一內外現任各官丁憂後俱令回籍守制除奉
特旨留任外在內各部院堂官在外各該督撫概不

准保題留任

孤缺改補

一員缺盡裁之候補官員以對品別缺補授照

投文先後換補

與各項應補人員通較先後

至佐貳官不

改正印若祇存三缺四缺候補官員

外官不分品級

京官惟六品以下小京官准其改補其部屬主事以上例應不入班次坐補原衙門者不在此例具呈缺少補授無期各照對品員缺改

補者仍扣五十五日之限將專項人員補完

方將伊等改補

科道迴避

欽定吏部則例

卷之八

銓選類

五

上

父兄在京現任三品京堂在外現任督撫子弟俱不准考選御史其父兄在籍起文赴部

補授及後經陞任者有子弟現任科道令其

呈明都察院具奏迴避移咨吏部改補各部

郎中

至父兄胞伯叔現任科道其子與胞弟胞姪現任三品京堂督撫均照此辦理

人文到部無論雙單月不入班次卽行選用外

姻惟科道迴避都御史

亦以各部郎中改補人文到部不入班次

卽行選用

其奏明迴避時適遇迴避之都御史離

任如該科道缺出未補卽不必開缺仍准其

留任如原缺業經補放有人仍令以郎中改
補其迴避後如有願回從前各原衙門之員
限於奏明迴避後十日內赴部呈明查係原
由郎中員外郎補放者仍回原衙門以郎中
候補原由內閣侍讀補放者仍回內閣以侍
讀候補均照應補之員辦理原由編修檢討
補放者仍回翰林院以編修檢討供職均毋
庸再以郎中投供候選改補部屬人員有於
科道任內業經俸滿截取者仍照定例按原

班銓選其未經截取者仍照定例分別接算

俸次報滿截取

詳載京官計俸條內

惟內閣侍讀編修

檢討例不截取如在科道任內已經截取仍

照例按原班銓選如未經截取迴避後呈明

回內閣侍讀及編修檢討原官供職者卽照

例毋庸截取其科道任內並前在侍讀編修

檢討任內所歷之俸均仍在其接算如遇迴

避之都御史離任所有改補候選及回從前

各原衙門候補人員無論已未得缺與回翰

林院之編修檢討無額缺人員統限於迴避之都御史離任後十日內准其赴部呈明仍以科道補用如迴避之都御史離任後十日限內改補候選者適遇臨選到班回從前各原衙門候補者適已見缺仍准其按限呈明此內如有緣事出京回籍人員應於赴部投供及回原衙門候補供職十日內呈明以上呈明仍以科道補用人員均由部具奏俟奉旨後係改補已得缺之員仍令在任候補與改補未

得缺之員均俟有科道缺出照應補之例引見補授如有逾限始行呈明者卽行議駁其科道有迴避父兄胞伯叔姪子弟現任三品京堂督撫奏明迴避時及迴避後適無可迴避亦卽照此辦理

此外京官迴避定例另有專條不得援引

迴避本省

京官迴避外官及教職分別迴避

一在京各道御史各迴避本省戶部司官刑部司官迴避各本省司分戶部福建司兼管直

隸通省錢糧直隸人亦應迴避五城兵馬司
正副指揮吏目等官有管理地方之責直隸
人俱應迴避滿洲蒙古補用直隸州縣佐雜
人員迴避五百里以內道府同知等官併應用
盛京州縣佐雜人員所屬境內如有田莊地土亦
令呈明迴避駐防各省旗員其駐防處所五百
里以內員缺亦照旗員迴避直隸之例辦理
如有指指駐防省分者准其報捐如所補之
缺距駐防處所在五百里以內者令其迴避
漢軍人員在京不補刑部司員在外迴避順

天直隸及北河員缺其滿洲漢軍人員欽奉

特旨補授直隸員缺者不行迴避如有田莊在所轄

本境之內呈明該上司報部存案其直隸布

按以上漢軍人員仍一體開列外省督撫以

下雜職以上俱各迴避本省若寄籍者凡寄

籍祖籍地方員缺概令迴避

如浙江人寄籍順天則直隸浙

江兩省俱應迴避之類

其地方各官如有商籍省分行

銷鹽務本有住址產業及歸併考試商籍之

省分

若廣東行銷六省鹽務其六省商人子弟統歸廣東考試之類俱令迴

避鹽場官員祇令迴避本籍毋庸迴避祖籍
如有在祖籍服官者其祖籍本府州縣一律
令其迴避以別府所屬之缺調補候補人員
不准在祖籍之府當差如祖籍地方實有鹽
亦不得委署本府之缺

務事業亦准切實聲明迴避仍行令祖籍督

撫確實報部儘有捏飾照例議處

如鹽運使本籍省分

所銷引地及該處曉丁竈戶等項仍由該運
使現蒞任所管轄者其現任之缺亦照本省
之例令其詳明
督撫奏請迴避至河工官員專令迴避本省

毋庸迴避祖籍在部驗到月選各官如有祖

籍寄籍商籍者俱令其於投供同鄉京官印

結內切實聲明查與赴選文結相同者准其
迴避如赴選文內未經聲明均令於初一日

投供時取具同鄉京官印結補行呈明另扣

五十五日之限方准按班銓選

例載月選按
供驗到條內

在籍候選人員如有原籍寄籍商籍者均令

其起送赴選文結時將某府州縣一併詳晰

聲明以便行查如行查未回而該員先已輪

選到班適掣得應迴避之缺卽以別省之缺

改掣由部給憑令其赴任仍俟查覈到日儘

有捏飾情弊照例議處其寄籍人員業已改
歸本籍尙在三十年以內者仍一體迴避其
現任官員任所地方屬民如有五服以內親
族寄籍係屬聚族而居業已成村者應令迴
避以別府之缺酌量對調教職原係專用本
省祇應迴避本府其有原籍祖籍在本省者
原籍祖籍州縣亦應迴避教職迴避原籍祖籍者係封發文憑
到省後由督撫查明報部辦理各項分發人員迴避亦俱照
此辦理如赴選文內實係遺漏聲明祖籍寄

籍商籍省分應令於投遞分發結內切實聲明概不准於掣籤以前始行呈明其呈明各員吏部當即據呈行查仍准其歸入月分掣籤如該員適掣得祖籍寄籍商籍省分毋庸改掣即將該員扣除分發俟查覆到日實有親族產業可憑者再行辦理

赴部分發人員分別聲明寄籍田產等項

一報捐指省保舉留省赴部驗看分發人員應令於赴選文結或驗看同鄉京官用結內聲

明所指之省並未先行寄籍置買田產並非
向來流寓及祖父亦未置有產業本身及父
子胞兄弟胞伯叔姪向未在該省開設典鋪
及各項經商貿易方准驗看分發如不聲明
即行扣除
仍行文該省查明有無隱匿等弊專咨報部
其月選得缺並籤掣分發及揀發人員與留
省指
省者如有在該省置買田產流寓並本身父
不同
子胞兄弟胞伯叔姪開設典鋪及各項經商
貿易情事毋庸在部呈請迴避俟到省後一

月內如逾一月始行呈明照例議處據實呈明責成該督撫

確切詳查取具該地方官印結報部係候補

之員咨部以總督兼轄省分改發如無總督

兼轄省分卽以鄰近省分改掣月選得缺之

員分別奏咨以總督兼轄省分對調如無總

督兼轄省分以鄰近省分改掣均俟接到覈

准部文後由該督撫給咨前往按照各該省

程限分別計扣到省日期候補者按原班序

補月選得缺者不入班次歸於迴避卽用

補用

班次詳載補用試
用人員題缺條內其月選人員迴避遺缺卽
作爲迴避出缺仍以接到該員迴避數准部
文後作爲出缺日期以上各員如有前項情
弊隱匿不報別經發覺卽將田產等項入官
並將該員照例從嚴懲辦如規避捏報除本
員從嚴懲辦外其出結官有扶同情弊並督
撫失於覺察均一併交部議處至指省未經
分發人員及候選人員保舉留省如有以上
田產等項在該省均令於赴選文結或驗看

分發印結內聲明改掣並保舉改留出力省

分改發省分如係曾經驗看分發人員令其

於到所改之省分後一月內呈明

如逾一月始行呈明

照例仍責成該督撫確切詳查取結報部以

各省統掣不准自行另指一省亦不得以總

督兼轄及鄰近省分改發如有願捐指省者

應令其補繳分發指省兩層銀兩均俟接到

覈准部文後由該督撫給咨前赴

仍計扣程限准

接算從前原到省日期序補如有隱匿不報

及規避捏報情弊均照前懲辦

接壤迴避

一各省地方河工員缺在原籍五百里之內者俱行迴避安徽江蘇湖北湖南廣東廣西甘肅陝西原係兩省毋庸迴避其在五百里以內者仍行迴避在部候補候選官員於每月二十日截缺後各該員將原籍住址畧述省分接壤相去現出之缺官塘大路併山僻小

徑在五百里以內者

如本人原籍住址在某縣或在城或在鄉以住

地方排算至界連省分程途若干又由界連省分扣算至現出之缺所屬地方係道缺則應以所轄之地計算係知府州縣缺則應以本府屬州屬縣屬交界地方計算程途若干自本人原籍住址至現出之缺共逐一分計程途若在五百里之內卽行迴避

晰呈明並取具同鄉京官印結於二十四日

過堂時呈明迴避二十五日未經籤掣迴避

之缺將呈結存案毋庸查辦若所掣之缺卽

係呈請迴避之缺應准迴避以別缺掣補行

文原籍督撫將所避之缺是否在五百里以

內之處查明報部如與呈結不符者移付考

功司查議如應迴避不行呈明並虛捏者查出照例議處知縣以上人員引

見時有奉

特旨調補所調之缺距原籍在五百里之內吏部給與該員執照令其前赴該省令該督撫於五百里以外之缺酌量題請對調毋庸扣除另選仍行文該員原籍督撫確實查明報部覈查在外推陞及在籍候補候選官員於掣缺行文之後呈明各該督撫確查移送印結咨

部迴避將員缺開選本員分別赴部在籍另
補至陞選及題補得缺之員領憑赴任時未
及周知到任後查明始知原籍僻徑小路與
任所在五百里以內者准卽詳明該督撫酌
量改調迴避如到任遲至三月以外始行詳
請者照例議處至此項現在迴避人員無論
指缺對調及招省另補此項留省另補人員
歸於迴避卽用班內
補用補用班次詳載補
用試用人員題缺條內仍俱准行候補官員
原籍與服官省分毗連遇有缺出該員輪補

到班仍按班請補俟接到准補部文後或到任後由該員詳細查明本任地界如距原籍在五百里以內於三月例限內詳明上司由該督撫等照例指缺對調或留省另補不得於該員輪補到班時先行扣補

其兩浙鹽屬之各項候補

鹽大使批驗所大使之籍隸江蘇人員輪補到班時如遇駐紮江蘇地方之兩浙所屬場所員缺准其先行按班請補俟接到准補部文後由該撫等於對項相當缺內揀員對調或留省另補

親族迴避

京外各官分別迴避親族姻親

一在京各部院尙書侍郎以下小京官以上胞

伯叔胞兄弟若在同衙門令官小者迴避同

衙門補授同官應迴避者令候補者迴避大

功服兄弟係堂司令官小者迴避同係司官

毋庸迴避祖孫父子名分攸關係堂官概令

司員以下迴避係同官無論候補及官小者

概令其子其孫迴避

此外宗族概不迴避本生祖本生父本生胞伯

叔兄弟及胞伯叔兄弟之出繼者均仍照祖孫父子胞伯叔胞兄弟迴避外姻親

屬中母之父及兄弟妻之父及兄弟嫡親姑

舅之子本身兒女姻親已之女壻嫡甥若在

同衙門分係堂司令官小者迴避

此外親族中妻之姊

妹夫子婦之親兄弟概不迴避

如係同官無管轄考覈之責

免其迴避

如各部院署任堂官除本任之員身在外任暫無回任期限奉

旨派令長署其司員等有應迴避者仍令迴避外其有本任隨

旨暫行派署者

概令毋庸迴避再戶部總理錢糧刑部總

理刑名所屬司官有應行迴避之宗族陞調

至所莅司分省在藩臬以上者該堂官卽

令調司行走咨報吏部註冊將來陞選事故

仍照原授底缺辦理出差人員有陞至同衙

門者俟差竣之日再行令其迴避

凡京官現任人員迴

避例應赴部投供歸於迴避卽用班內選用共有呈請先行分發行走者亦卽照准又

五城司坊官員職司緝捕刑名係京官之有

地方責任者應照外官應行迴避之宗族親

族辦理

外官應行迴避之宗族親族詳載本例

如現任及揀發

委用司坊官員有應行迴避都察院堂官者

卽行離任仍照例赴部投供按班揀補如應

行迴避巡視本城之科道者由都察院奏明
與別城揀選對調至外官有關係刑名錢穀
考覈糾叅者不分遠近係族中俱令官小者
迴避族中之人雖服制已遠而聚族一處情誼最爲關切俱令官小者迴避若支分
派遠散居各省各府籍貫迥異於同姓實爲
疏屬毋庸迴避若在五服之內者雖住處不
同仍應迴避若旗員有應行迴避者仍照例
迴避其有雖係同族同住京城而旗分各別
又出五服之外者亦照漢人支分派遠之例
毋庸迴避如係同族同旗者雖出五服之外
仍照漢人服制已遠聚同族近支之人不准
族一處之例令其迴避

司鐸一學均令一體迴避若外姻親屬中父

之姊妹夫母之父及兄弟母姨之子妻之祖
妻之父妻之兄弟妻之胞姪妻之姊妹夫已
之女壻嫡甥女之子嫡姊妹之夫孫女之夫
本身兒女姻親中表兄弟俱分屬至親同在
外官不能無所瞻顧亦應令官小者迴避至
子婦之親兄弟親屬漸遠毋庸迴避其例應
迴避之親族如有藉詞出繼者仍應令迴避
本生祖本生父本生胞伯叔兄弟及胞伯叔
兄弟之出繼者均仍照祖孫父子胞伯叔胞兄
弟不雅同 在部候補候選人員如有同族之
官一省

人應行迴避同省者旗員令其取具圖結或都統印文漢員令其取具同鄉京官註冊印結或赴選文內預行聲明輪選到班時以別省之缺掣補如赴選註冊時無應行迴避之人輪選到班時有應行迴避之人陞補分發該省令其於二十四日過堂時取結聲明以別省之缺掣補如本月分別省無同項之缺或別省同項之缺該員不合例掣補均將該員扣除歸於原班銓選預行聲明者員缺歸

本月另選二十四日過堂聲明者員缺歸下
月補議如有遲至掣籤後始行聲明者將該
員照例議處仍扣除歸於原班銓選缺歸下
月補議至有應行迴避之員業經於赴選註
冊時聲明嗣該員應行迴避之人去任或離
省應令該員隨時於每月截缺以前聲明俟
輪選到班時仍以各省之缺統掣如遲至截
缺後始行聲明該員適輪選到班如是月缺
分較多仍將該員迴避以別省之缺掣補如

是月缺分較少該員迴避無別缺可掣卽將
該員扣除歸於原班銓選至在部候補候選
人員如有呈明迴避姻親者無論其於赴選
註冊文結內聲明及輪選到班時呈明均毋
庸將該員迴避之缺扣除仍照輪次接班籤
掣銓選如該員適掣得應行迴避之缺應俟
該員領憑到省後呈明該省督撫卽由該督
撫確切查明姻親屬實卽照在省迴避人員
如係毋庸迴避出省者卽由該督撫以別道

別府相當之缺酌量對調如係應行迴避出
省者卽由該督撫以總督兼轄省分相當之
缺酌量對調如總督兼轄省分亦應迴避出
省卽咨部以界連省分改掣俟接到改掣省
分部文後由該督撫給咨該員赴改掣省分
歸於迴避卽用班內補用在部掣籤分發人
員如有迴避姻親者亦令於到省後呈明該
督撫分別以總督兼轄及界連省分改掣後
仍歸各原班補用

坐補原缺人員應行迴避者不得以別缺掣補仍令

坐掣原缺候引

見奉

旨後查係有

總督兼轄省分令其赴省照外省人員迴避對調之例辦理如無總督兼轄省分卽由部以原缺之界連省分改掣發給執照令其前往候補毋庸仍赴原省在外推陞及在籍候補候選官

員有應行迴避同族姻親者該督撫移送印結咨部准其迴避將員缺開選本員分別赴部在籍另補教職銓選發憑後如有親族同在一學由本員呈明地方官該督撫於驗看時查詢屬實令官小者迴避以別學相當之缺咨部調補外省現任候補各官道府以至

佐雜無論官階大小如係祖孫父子胞伯叔
胞兄弟概不准同官一省如非同官令官小
者迴避係同官祖孫父子名分攸關令其子
其孫迴避胞伯叔胞兄弟令後補後至者迴
避至現任外官如督撫兩司及統轄全省之
道員有本族及至親應迴避者俱令迴避鄰
省另補其分巡數府之道員及知府以下等
官所管祇一府一州一縣鄰府州縣卽非其
所轄所屬有本族

除祖孫父子同胞同祖兄
弟叔姪外其餘皆爲本族

及外姻親屬

本族外姻爲分巡數府之道員及爲知府以下等官所轄所屬

之各項

官員並同族兄弟叔姪爲佐雜以下等官

爲分巡數府之道員及爲知府以下等官所轄所屬之佐雜以下等官

之例應

迴避者俱由該督撫於本省內酌量調補

迴避

分巡數府之道員以別道所屬之缺揀調候選迴避知府以下等官均以別府之缺揀調

補者不准同府當差道員與知府及道府與

丞倅牧令等官如有同祖兄弟叔姪同在一

省者無論是否該管本屬俱令官小者迴避

鄰省另補道員知府如有同祖兄弟及外姻

親屬應迴避者係屬同官

姻親迴避道員與道員迴避同省知

府與知府惟迴避同道之缺

一係實缺一係候補令候補

者迴避同係實缺

實缺人員保有陞階在任候補者仍照現在官階迴

避令後補者迴避同係候補令後至者迴避

丞倅牧令佐雜等官如有同祖兄弟及外姻

親屬之例應迴避者同在一府雖非統轄係

同官令後補者迴避非同官令官小者迴避

均以別府相當之缺酌量揀調候補者不准

同府常差指省分發人員應令於赴選文或

驗看印結內聲明所指之省並無親族外姻
應行迴避同省之人方准分發由部掣籤分
發人員如有同族應行迴避同省之人於赴
選文或驗看印結內聲明掣分他省如已分
發到省續有應行迴避同省之人陞調分發
至該省者卽呈明該督撫如原係報捐指省
之員准其另指一省如報捐指省分發委用
試用人員得有勞績保奏歸候補班者原捐
官階並無改易或先經指省分發續經陞

仍捐指本省卽與初捐指省無異亦均准其另指一省如先經指省分發後因勞績保奏以陞階留省候補並未經指省原係由部籤掣及候選投効保奏留省以何項官員補用人員均不准其另指一省應一律以總督兼轄及界連省分改發改掣均呈明該督撫專咨報部改指改發之員俟接到覈准部文後改掣之員俟接到掣定省分知照後由該督撫給咨前往仍按原到省日期與本省同班

人員統較到省先後補用其報捐指省未經
分發人員有應行迴避同省之人卽於赴選
文或驗看印結內聲明另指一省如有應行
迴避之親族姻親

毋庸迴避
出省者

先在該省現任

分巡數府之道員及知府以下等官或先在
該省候補應令於未補缺以前呈明督撫咨
部存案俟輪補到班時如適遇爲親族姻親
所統轄及無統轄之同府各缺均將該員俟
准補後以別道別府相當之缺揀選調補其

由部選授實缺人員如先有親族姻親現任
爲所統轄及先在同府現任無統轄各缺應
令到省後卽行呈明並選補實缺到任後續
有親族姻親選補實缺爲所統轄及選補無
統轄之同府各缺應令於親族姻親未到任
之前呈明均將官小之員以別道別府相當
之缺揀選調補如係同官令後補者呈明調
補咨部文內均令將呈明日期及締姻年月
詳細聲敘以憑查覈儻有例應迴避之員匿

不呈明或以無爲有意圖規避以及實係締姻在前遲至到任後始行呈明一經發覺由該督撫從嚴叅辦加等議處其有選補實缺後始行締姻或由本籍締姻任所得信始知者不准以實缺對調應令官小及後補者開缺留於該省不入班次另補以杜規避俟補缺後仍准接算前俸如同省迴避親屬之員積有數人仍分別先後序補至因迴避姻親調補改補以後另有姻親選補同府之缺該

員仍應迴避者仍准其揀調不准再於到任
後復行締姻呈請迴避違者叅處凡應行迴
避另補之員如係有總督省分或兼轄兩省三
省者本省雖無可調之缺其所轄之鄰省亦
准酌量改調如無總督兼轄省分卽以連界
省分改掣若連界省分又無相當之缺吏部
卽於有缺各省統行掣籤掣定一省行令該
督撫給咨該員前赴掣定省分交該督撫遇
有相當缺出先儘題補

補用班次詳載補用
試用人員題缺條內

均免其赴部另補凡現任迴避人員或應以鄰省改調或應於本省員缺調補均令該督撫先行委員接署令其離任仍於合例應調人員內揀選調補如請調到部吏部查明與例相符者准其調補如有不合例事故仍照例議駁其迴避之員卽另行補用不得久羈任所至各省河工及鹽務官員有應行迴避之親族外姻俱照地方人員辦理其有與該省地方督撫藩臬兩司各大員係屬祖孫父

子胞伯叔胞兄弟及外姻親屬中父之姊妹
夫母之父及兄弟妻之父及兄弟妻之胞姪
己之女婿嫡甥亦令官小者迴避並河道總
督所兼管沿河各缺鹽政暨兼管鹽政之督
撫各省鹽運使所銷引地各官如有與該河
督等係屬祖孫父子胞伯叔胞兄弟及例應
迴避之外姻親族雖係隔省有關考覈糾叅
之責亦令迴避分別調補

此外如鹽場與地方
官員有父子同官一

府者如父爲知府子爲鹽場俱令官小者迴
避以別府所屬之缺補用其祖孫父子胞伯

叔胞兄弟及外姻親屬中父之姊妹夫母之
父及兄弟妻之父及兄弟妻之胞姪己之女
婿嫡甥有似此同官一府者亦應引嫌一體
迴避其河工同通佐雜等官所管土地係分
隸各府州縣與地方知府牧令中有例應迴
避者亦應照鹽場之例不得補同府並一州
縣之缺凡祖孫父子胞伯叔胞兄弟除同在
河工鹽務及河工鹽務與地方同府者仍照
例迴避外其於河工鹽務與地方及河工均
與鹽務均毋庸迴避仍不得補同府之缺
即行給咨發往鄰省各以本缺補用河工東

河人員如應迴避山東地方上司即以河南
各缺補用如山東河南地方上司均應迴避

咨部以江南直隸河工掣籤發往至河工人

員保舉知縣應以沿河之缺補用者如與該
省地方官員有應行迴避同省者以總督兼
轄省分改發如無總督兼轄省分以連界省
分改掣如連界省分內無沿河之缺者卽將
該省扣除其地方官員如有與兼轄地方之
河道係屬例應迴避之親族外姻亦應令其
迴避鹽務官員如有兩鄰省均可發往者咨
部掣籤發往運同運判鹽經歷知事鄰省無
缺者咨部通行掣籤改發

各省鹽務官員運
同運副提舉監掣

同知運判係分府駐紮者其迴避同府運副之員卽可分府當差以別府之缺補用惟浙江一缺提舉惟雲南三缺如有應行迴避運副卽對品以提舉改發雲南候補提舉卽對品以運副改發浙江候補如迴避改調及籤掣鄰省之後適遇應迴避之上司又經陞調至改調所掣省分該員又應迴避卽令仍回原任省分遇缺補用一省內續有迴避之員除前次掣過省分外再行輪掣別省以免多佔額缺所遺該員原缺如係題調之缺

留於該省照例題調如係部選之缺應歸部
銓選有經該督撫聲請扣留外補者准其扣
留外補至理事同知通判各省額缺無多如
遇迴避之員令該督撫給咨赴部遇有缺出引
見補授凡應行迴避之員照例迴避如有不奏咨迴
避者卽行叅辦其例不迴避之親族有以引
嫌奏明除奉

旨允准外如交部議仍照例議駁將呈請迴避之員
並代奏之督撫分別議處如有瞻顧徇私等

弊或別經發覺或有科道糾叅將該督撫從
重議處

督撫藩臬道府迴避學政

一各省現在學政有祖孫父子胞伯叔胞兄弟
陞選至一省者督撫藩臬自行奏明請

旨道府具呈吏部具奏在外詳明督撫具奏其應否
迴避恭候

欽定其餘州縣以下等官均毋庸迴避

候補官員迴避給咨限期

一各省候補官員如有應行迴避之人陞調分發至該省者應卽呈明各該督撫係指省之員以該員具呈聲明迴避之日起予限三個月內指定省分請咨前往如係咨部改掣之員以接到掣定省分部文之日起予限三個月請咨前往改發省分其有應交代者亦卽遵照例定期限趕緊交代清楚給咨前往如因告假措資准其展限三月先行呈明咨部存案方准扣展儘逾正展限期之外尙未請

咨改發其應行迴避之人別有事故離省亦
令該員仍赴改發省分不准請留原省補用
現充鹽商人員不准補戶部司官

一凡現充鹽商人員不准選補戶部司員

戶部總司

各省鹽法故現充鹽商者均令迴避不補戶部司員以杜交通之弊此外祖孫

父子以及胞伯叔胞兄弟現充鹽商者亦令

其迴避戶部如堂兄弟以下遠近宗族雖無

運本股分但既係同族亦應引嫌不准選補

戶部山東司之缺

因山東司專管鹽務

至候補候選及

推陞各員過月選得缺於二十四日赴部過堂時卽取具同鄉京官印結呈明辦理其分部人員應於未經掣籤以前預行呈明吏部分別覈辦

迴避人員仍留原任

一京外各項應行迴避人員如題咨迴避之時適遇迴避之上司陞調他處及緣事離任該員已非其所屬無可迴避除缺出未補卽不必開缺仍准其留任外如原缺業經選補自

人概令迴避之員應選者

京赴部另選應補官

者外赴改解省分另補其京官中未經得缺

之先有經該原衙門堂官以無可迴避奏請

仍歸原衙門行走者應卽准其奏留至業經

改選人員均應查其選授時該迴避之堂官

曾否離任如該員得缺在先而迴避之堂官

離任在後仍應議准其有迴避之堂官早經

離任該原衙門並未奏留迨至臨選到班或

選授得缺後始行奏留者如奉

旨交議卽應照例議駁其奉

旨允准者仍應將其不合例緣由奏明可否准其奏

留之處恭候

欽定

外姻科道迴避都御史並父兄弟胞伯叔姪科道迴避現任三品京堂督撫另有專條

揀選迴避

一凡各項揀選正陪並應行揀補京外各缺以

及揀發委用人員俱由吏部將滿洲漢大學

士九卿職名開列奏請

欽派揀選如各項人員足數揀選

欽派大臣內有與應行挑選之員係屬祖孫父子胞
伯叔胞兄弟外姻親屬中母之父及兄弟妻
之父及兄弟已之女壻嫡甥俱令赴挑人員
於臨時呈明迴避將該員扣除不准揀選其
例應先儘

京察一等並著有勞績人員揀選如人數較少或
外省指明請發何項人員而在部投供之員
僅敷揀選吏部均於奏請

欽派大臣摺內聲明請

欽定吏部則例

卷之八

名選漢官

聖

上

旨多派數員如有應行迴避之員卽令

派出之大臣開明自行迴避由毋庸迴避之大臣揀
選儘有徇隱照例議處至各省舉人每屆大
挑之年例應奏請

欽派王大臣公同揀選吏部於查取堂銜奏請

簡派以前先期行知各部院大臣等如有與赴挑人

員係屬姻親宗族例應迴避者卽自行註明

知照吏部扣除毋庸開列請

青簡派

坐補原缺

病痊等項坐補並親老告近及養親事畢
各官尋爛倉穀及虧空錢糧全完開復並道
府州縣佐雜等官病痊起用及終養服滿並
葬親修墓事畢者俱坐補原缺以杜規避擇
缺之弊其陞選官員有因親老願補近地除
論俸推陞之小京官籤陞遲速本員無由預
知而所陞之缺京外又難預定不能預行呈
明應俟陞選得缺辦理外凡現任京職截取

保送應陞外官並外官由卓異等項均於引見後卽取具同鄉京官印結赴部呈明其在任應陞不須先行引

見者令其預詳督撫取結咨部存案月選人員均於雙單月初一日驗到之期呈明吏部除由原籍起有赴選赴補文結業經詳敘親年毋庸再事行查外其各項在部註冊呈請親老告近者亦准其先行存案俟擬選到班時除所學之缺本係近省毋庸辦理外如籤掣遠省

之缺卽行開缺另選仍行文該員原籍督撫

飭令該地方官於行查到日務必傳集該員

有服親族並左右切鄰親加詢問取具族鄰

確實甘結方准申報不得含混從事均俟咨

覆到部吏部照截缺之例如文到在十二日

以前者於十七日以內具題卽歸於本月以

近地之缺改補

如奉天人卽以直隸吉林近省改掣其奉天人有祖籍直

隸者則以直隸應掣之近省並吉林改掣至直隸省告近人員如遇奉天省之缺亦一體

銓其有同日具題者擬選時查其原選月分

及原選班次之先後挨名銓選如恭遇

皇上巡幸及內閣例不進本日期科鈔到部難以預定仍以十七日以前爲限歸本月銓補十三日以後到部者二十一日以後具題歸於下月以近地之缺改補其擬備知縣奉

旨補授遠省及籤掣本係近省引

見調補遠省者亦准一體開缺行查原籍如係原籍督撫聲明

親老之員亦毋庸行題明以近地之缺改補查卽准題明改近

如籤掣遠省業經題准改近於得缺引

見時奉

旨改調遠省者不准再行改補

近省至親老告近籤掣遠省缺分人員應以近
省改選如近省並無原掣遠省之缺分者准
其以近省對品缺分通行改選如順天人捐
未入流親老
告近籤掣江蘇縣稅大使順天近省無縣稅
大使之缺准以未入流各項員缺通行改選
之類其從九品未入流親老告近籤掣遠省
應以近省改掣人員如近省有原掣之遠省
缺分應以近省本項之缺改掣如經捐免坐
選應准其以近省對品缺分通行改掣仍俟
戶部咨文到部之日起扣足
五十五日之限方准銓選
以上改補之員
到任後停其保題陞轉如著有勞績奉

旨以應陞之缺陞用以及曾經保薦卓異及卽陞者

在外准以本省應陞之缺題陞在內准其以

近省之缺陞用並勞績保奏奉

旨指明以應陞之何項官員陞用者

如係並非應陞之階應令前赴

原省歸於候陞班內如遇要缺出時聽該督撫酌量陞補惟各省佐雜非由應陞知縣之實缺人員保舉免補本班以知縣陞用者歸候補班內與候補知縣分別比較奉旨及到省先後補用如未經陞用之先適遇丁不准補繁要之缺

憂服滿應補時准其歸於卓異卽用班內單

月遇有缺出不入各項候補班次遇缺卽補

免其坐補原缺其卓異保薦卽陞應陞之案

仍帶於新任如因勞績出力得有陞案保奏
後仍照服闋赴部候補之例辦理俟將來得
缺後將陞案帶於新任不准歸於卓異卽用
班內若循分供職未經薦舉卓異及保薦卽
陞應陞者俟該員服闋赴部候補之時吏部
帶領引

見候

旨錄用如奉

旨不必坐補原缺照例銓選如奉

旨照例用者仍令坐補從前所掣及改調之遠缺在

欽定吏部則例

卷之八 銓選漢官

畧

上

任三年無過再行准其通算前俸陞轉至終養服滿人員赴部引

見之處亦照親老改補之例一體辦理又親老告近人員原掣遠省改選近省後丁憂服滿如係親老未斷以及養親事畢續因親老復經告近者如應補到班時遇有近省之缺卽行坐掣如到班時並無近省之缺卽行扣除如有改捐別項班次其應補近省原班已斷應以遠近省分之缺統掣如掣得遠省毋庸再事

行查將該員題明歸入近省卽用親老事畢
應以此次所掣遠省之缺坐補如掣得近省
之缺將來親老事畢仍以從前所掣遠省之
缺坐補如僅捐本班儘先選用其應補原班
未斷應歸應補班先到班以近省之缺選用
毋庸另坐遠省之缺如到班無近省之缺卽
扣除另選其各項坐補原缺人員吏部查明
原缺如係應歸月選者無論雙單月遇原缺
出時例應赴部投供者以人文到部以後所

出之缺方准坐補例應在籍候選者以赴補
咨文到部以後所出之缺方准坐補如遇原
缺裁汰改設無可坐補卽於該省與原缺相
當缺內掣定一缺作爲原缺候所掣缺出坐
補如所掣之缺尙未坐補適原裁之缺又經
復設仍令坐補如原缺係在外揀選者卽給
執照分發各原省俟原缺出時具題補授其
從前署理繁簡各缺尙未實授應仍赴原省
省各俟原缺出時具題署理

仍赴原省題咨
坐補牛署人員

如係例應由部領照赴省者以人文到部以後所出之缺方准坐補坐署如係由籍領者赴省者以赴補咨文到部以後所出之缺方准坐補坐署其有坐補坐署人員尙未見缺續經因事告假者應俟銷假以後所出之缺方准坐補坐署續經丁憂者應俟扣足服滿日期以後所出之缺方准坐補坐署其有告病開缺未經回籍在省就近起病者應俟在省起病咨文到部以後所出之缺方准坐補坐署

統不許於候補時

藉稱不勝原缺之任預行奏請改調如原缺

裁汰改設亦於該省相當缺內掣定一缺或

原缺本歸月選後經改爲要缺亦於該省相

當月選缺內掣定一缺均俟缺出卽令坐署

欽定吏部則例

卷之八

聖

至本係要缺於缺出時經該督撫察其不能
勝任具奏者亦卽於該省相當月選缺內掣
定一缺作爲原缺俟得缺後照調簡之例送
部引

見恭候

欽定再例應仍赴原省坐補繁缺人員如未經得缺
以前經該督撫將員缺改爲簡缺者應仍令
該員赴省俟改簡之原缺出時該督撫照例
題請坐補至應行赴部投供候補之各項坐

補原缺人員原籍督撫一面給咨該員赴部
候補一面備文咨明該員原缺省分查照遇
原缺一出該督撫卽將坐補人員請補如有
候補人員亦令該督撫一併聲明吏部查明
坐補人員如係人文到部以後所出之缺並
無事故卽將坐補之員坐補如適有事故是
月未經投供將該省聲明候補之員查明是
否合例再行辦理其分發人員亦照月選官
之例於未掣省分之前有以親老告近者如

掣得遠省查係原籍起文聲敘親年亦毋庸

再事行查仍題明改掣近省如係在部註冊

呈請告近者卽行查原籍俟查覆到日題明

改掣近省

其例不具題之分發佐雜人員亦卽照此辦理

如批驗所

大使等官無論揀補分發有以親老呈明改

近者亦查明該員原籍有無聲明照例分別

題明以該員本省昆連有監務額缺省分改

補改掣均按對品補用

其改掣省分如有本項額缺者仍以本缺

補俟親老事畢仍以原官候補至分發人員

親老改掣近省得缺後服滿起復親老事畢
如原係題補之員仍赴原掣遠省歸候補班
內補用如原係題署之員未經期滿實授仍
赴原掣遠省歸委用班內補用如在任內得
有陞案未經陞用服滿起復歸於卓異卽用
班內單月遇有缺出不入各項候補班次遇
缺卽補免其坐補原缺仍將陞案帶於新任
如因勞績出力得有陞案其保奏奉

旨日期在丁憂離任以後服滿起復令其仍赴原掣

遠省分別補用將陞案帶於新任不准歸於
卓異卽川班內選用其有親老改掣近省得
缺後先因告病開缺後經丁憂服滿病痊親
老事畢例應仍赴原掣之遠省並無應坐補
之缺者卽於原掣遠省相當缺內掣定一缺
作爲原缺俟所掣缺出分別坐補坐署又各
項未經期滿實授例應仍赴原省委用人員
因親老呈明改近者原籍科撫文結到部題
明改掣近省又親老事畢例應仍赴原掣遠

省之各項補用試用人員又因親老告近

如先

告父老後告母老之類

原籍督撫文結到部亦准題明

仍赴原掣近省均俟應補之時分別仍赴原
省委用及原掣遠省候補委用試用以上各
項分發人員並各項例應仍赴原省委用或
仍發原掣遠省候補委用試用人員有因後
來出繼以繼父母年老爲詞呈請告近者概
不准行又分發人員有於分發之時親年尙
不合例於掣有省分後以告病告假遷延至

合例時始行呈明告近者亦不准行至告病
病痊例應坐補原缺人員復以親年合例呈
請告近者難保無取巧之弊亦不准其告近
又分發人員內凡遇該員告近省分尙有二
三省未停者仍准其告近分發外如告近省
分盡行停止分發及僅餘一省未停者雖別
有分發省分概不准其告近至漢軍人員除
內閣漢軍侍讀以至筆帖式凡有漢軍專缺
者俱歸旗員之例遇有親年七十五歲以上

停其陞選保送外缺其親年未屆七十五歲
時有保送外缺亦不准照漢員之例預行告

近外其餘京外大小各官並無漢軍專缺以
及並非現任之候補候選及分發各省試用

人員係照漢員改近之例辦理

其親老年歲亦照漢員之

例由本旗佐領出具圖結預行呈明存案如

籤掣遠省行文該旗查明委係實情咨覆到

部

如該旗都統業經聲明親年合例者毋庸行查

以近省改補其改

近省分卽照直隸近省辦理將來丁憂服滿

仍令坐補原掣遠缺遠省如父母年至七十

以上亦照漢員終養之例辦理

各省駐防旗員有在他省

服官身係獨子父母年至七十五歲以上者按照漢官終養之例如未迎養在署在寓飭令回駐防處所終養若業經迎養即毋庸飭令棄職終養如在駐防本省服官應比照各省教職人員父母年至七十五歲以上無論是否獨子均毋庸飭令棄職終養其有父母年老篤疾不能迎養赴任該員自願呈請終養者亦一律准行

再各省候補

人員輪應補缺時見缺告病扣除將其次之

員補用者俟該員病痊之日仍以原缺坐補

以杜規避

界連省分

一親老請改近地掣補省分開後

直隸省界連山東山西河南

江蘇省界連浙江安徽山東河南

安徽省界連江蘇江西湖北浙江山東河南

山東省界連江蘇安徽河南直隸

山西省界連河南陝西直隸

河南省界連陝西山西江蘇山東湖北直隸

安徽

陝西省界連甘肅山西河南四川湖北

甘肅省界連陝西四川

浙江省界連江蘇江西安徽福建

福建省界連浙江江西廣東

江西省界連浙江廣東福建安徽湖北湖南

湖北省界連湖南河南四川安徽陝西江西

湖南省界連湖北貴州廣東廣西江西

廣東省界連廣西福建江西湖南

廣西省界連廣東雲南貴州湖南

四川省界連湖北貴州甘肅陝西雲南

貴州省界連雲南四川廣西湖南

雲南省界連貴州廣西四川

候選分發親老告近人員分別改掣

一每月初五日掣籤分發人員如係咨明親老者卽於次月初五日以前題明奉

旨如係呈明親老者其查覆文到部在上月初五日以前卽於下月初五日以前題明奉

旨初五日改掣如查覆文到部在上月初五日以後

卽於再下月初五日以前題明奉

旨初五日改掣至應歸下月或再下月初五日掣籤
人員有於上月初五日以前先行奉

旨者仍分別勒歸下月或再下月初五日掣籤其十
二月初五日以前到部者封印期內仍不具
題應與次年正月初五日以前到部人員統
歸二月初五日以前具題奉

旨後一併改掣至候選分發人員捐免遠省捐入近
省者一律行查本籍督撫飭取地方官族鄰

甘結聲明實有親老並無捏飾等弊咨覆到

部始准開選分發

如有扶同捏飾別經發覺即將地方官從嚴議處不

員及族鄰分別懲辦

其捐免遠省捐入近省人員到班

適遇遠省之缺即將該員歸入近省即用所

遺遠省之缺卽以其次各班應選之人揀選

不得再用與該員同班其次合例之人

其近省卽用人員有照

本職儘先銀數交納四成實銀者歸於近省

卽用班內先行坐選

告近人員或親老未斷或續經告近以及應否

坐補遠省原缺之處

詳坐補原缺例內

行文註明坐日計扣限期

單題單奏之件有奉

旨日期可計者無論何日行文以奉

旨後第五日作爲行文日期彙題之件以奉

旨後第三十日作爲行文日期各覆之件無奉

旨日期可計者以堂稿盡齊後第五日作爲行文日

期均於文內註明坐日令各省查照坐日再

加程途照限減半計扣部文到省日期

部中有關缺分文件附入馬遞

一凡有關缺分文件俟有應用馬遞公文卽行
附入不准將不應附入者附入及應附入者
不附

一奏請補缺交議之件覆奏奉

旨後按限行文

一題請補缺俟題覆奉

旨後按限行文

一補授各員奉

旨允准例應知照一俟堂稿畫齊按限行文

欽定吏部則例

卷之八

銓選漢官

五

上

咨請補缺一俟堂稿畫齊按限行文

一 月選各官發憑知照按限行文

各省有關缺分文件附入馬遞

一 凡各省遇咨部有關缺分文件附入馬遞

一 現任官員各項事故題咨開缺歸部銓選附入馬遞

一 月選佐雜教職查明先有事故漏未咨報其缺應行咨部另選附入馬遞

一 現任官員各項事故題咨開缺隨案聲請扣

留外補附入馬遞

一現任官員題咨開缺另文扣留外補附入馬遞

一官員題咨陞調補署各缺附入馬遞

一陞調請補之員未經接到覆准部文遇有事故應行咨明扣補附入馬遞

一應行按限咨部更補各缺附入馬遞

一應行按限咨部更補之員因揀員未定照例

咨部展限附入馬遞

奉天等省緊要部文統附入馬遞

一奉天吉林黑龍江凡遇補缺並通行章程一

切緊要部文統附馬遞

各項陞選人員引

見限期

一月選官員及現任人員陞補有關開缺者各

按截缺日期先期帶領引

見各項截缺日期
載月選例內

其各省保薦俸滿教職經該督撫

給咨該員赴部如在二十日以前人文到部

者歸於本月分月選人員內考試引

見其人文到部在二十一日以後者即歸於下月分

月選官內考試引

見至內外雜項人員人文到部於驗到後統限二十
日內帶領其有應行咨查各部往返需時者
准寬限十日定以三十日內帶領如人數較
少之時積至一二十員卽行儘數帶領設一
時人數過多不能按限儘數帶領者總以有
關積缺開缺人員先儘引

見其應行引

見人員有於驗到後呈報事故或遇值日推班並封

欽定吏部則例

卷之八 銓選漢官

七

上

印日期不能帶領引

見之處卽行知照稽察衙門查覈

其在京各項截取人員保送到部患

病告假如逾一月之限尚未銷假將在後至之員先行帶領詳載卽陞推陞次序條內

由現任候補人員因各項勞績保舉道府以

至州縣等官題補陞補得缺該督撫接到奉

旨部文後按照例限給咨送部引

見俟引

見回省後方准保題陞轉未經引

見以前概不准遽行題陞如有違例奏請者卽將該

督撫議處

奏摺移送內閣

一各部院摺奏事件如有

特降諭旨應俟內閣發鈔欽遵辦理外仍將原摺併所奉

諭旨鈔錄移送內閣與具題紅本一體收存以備查

覈其由奏事處口傳

旨意該衙門於領出後卽於摺面恭繕

諭旨鈐蓋印信與奏稿一併存案仍於月底將一月

欽定吏部則例

卷之八

銓選漢官

奏

上

所奏事件摘敘事由並恭錄所傳

諭旨移交外奏事處互相覈對以昭敬謹

滿洲漢司員赴閣鈔寫事件

一各部院衙門特派滿洲漢司官各一員每日輪流當月凡內閣有傳鈔事件係清字則令滿洲司員自行鈔出係漢字則令漢司員自行鈔出毋得假手書吏以致草率遺漏鈔出之後卽行文知會稽察房查對

九卿會議事件

一凡各部院衙門有九卿會議事件主稿衙門
可以照例先行定稿者應令於會議之前傳
令各衙門派員預先赴主稿衙門鈔錄查覈
再行會議其必需公同商酌方可定稿者卽
先齊集妥商再行具稿傳鈔定期會議至刑
部命盜案件奉

旨交九卿會議者刑部不必預先定稿其餘不關人
命之案亦照各部院衙門一體辦理

會銜題調

一順天府屬官員陞調均由府尹主稿仍會同直隸總督列銜題咨如直隸各府人員陞調至順天府屬及順天府屬各官陞調至直屬者俱令總督主稿會同府尹列銜題咨

嘉慶八年五月奉

上諭據顏檢奏請將三河縣知縣張力勅調補武清縣一摺已批交吏部議奏矣閱其摺尾有會同兼管順天府尹戴衢亨等恭摺具奏之語本日召見軍機大臣面詢戴衢亨據稱並未知此事可見外省於會銜

具奏各件並不事前咨商僅於陳奏後關會實爲相沿陋習此等調補人員本非迫不及待之事既係例應會銜奏請自當將人地是否相宜彼此詳細公商以昭慎重况奏調之員若列名會奏之人竟不與聞其事將來設遇所保非人自當一律交議徒代他人任咎則會銜一節不幾成具文耶著通諭各督撫嗣後遇有彼此會銜及會同府尹河督漕督學政等衙門具奏事件總當先期咨會公同商定俟有回文始行具奏僅應會不會或僅於事後關會者卽著應行

會銜之員據實叅奏交部議處以杜專擅之弊欽此

欽遵恭纂入例

八旗等衙門事件由部轉行外省清字事件

譯漢文知照

一八旗宗人府內務府凡有行文外省事件俱
行知該部轉行不得徑行外省其清文事件
各部院應行轉咨者亦卽由各部院譯出漢
文並將原咨一併知照如係摺奏案件奉有
諭旨及案內敘述舊奉

諭旨併清字

上諭該部院卽移送軍機處繙譯漢文知照各該督撫其有漢字

上諭應行繙清者亦移送軍機處繙出交各部院辦理
特用人員分部

一正一品至從二品漢廕生漢軍廕生引

見照例內用應以員外郎主事等官補用並漢正從
三品廕監生內用應以各項小京官補用者
俱准其各以應得部分衙門先行籤掣行走

仍按原班銓選

掣籤並錄用之處分載捐納候選及廕生錄用條內漢軍

四品廕監生以筆帖式補用者俱籤分部院衙門行走例載各項分部筆帖式掣籤條

內其奉

旨卽用及奉

旨以何項官員補用人員均專歸選用

選用班次詳進法雜條

不准分部行走至各項奉

特旨補用部屬人員如本人原係候補候選降革廢

員或由外任改補京職者均聽候部選亦不

准先行分部

以上不准分部人員內如有報捐分部行走者未經奏留以前

仍照奉 旨補用人員定例選用如三年
期滿已經奏留以後應照捐納分部人員俟
有留補選缺資深到班與資如由現任部屬
深人員統較日期先後補用
仍以部屬陞用者亦毋庸另行分部令其在
任候陞均俟得缺後再行赴部任事其先有
衙門行走人員後經欽奉

特旨補用及奉

旨指明以何衙門補用之員即令其先赴該衙門行走均係

特用人員遇有選缺出時准其先儘補用不積各項班次之缺

至特用主事在刑部行走遇有提牢年
滿議敘人員應比較奉 旨議敘各日期

先後補用之如遇題缺應與正途資深人員

均出該堂官一律察看才具酌量請補不得

先儘補用惟外任改補京職人員奉旨

缺出時先儘補用毋庸兼補題缺其有由部

屬陞補京職人員奉旨仍回本任除選

缺仍准先行補用外遇有應題缺出由該堂

官察看才具如堪勝題缺之任即以題缺奏

補其才具中平者仍未得缺之前給與單俸

祇以選缺先儘補用

如奉

旨指明以何衙門何官用並無補字者照例歸部銓

選不准分發行走至並非現任部屬係由各

項現任在京文職武職奉

旨以部屬用者如原奉

諭旨業經指定部分卽令其先在該部額外行走仍

食本身職銜之俸俟有題選缺出該堂官遵

旨題補未經指定部分者掣籤分派各部行走亦照

伊本身職銜食俸俟有缺出吏部照例銓補

至奉

旨以何項官員分部卽補分部儘先補用人員應俟

到部後與指明以何衙門補用人員一律補

欽定吏部則例

卷之八

銓選

三

用

其奉

旨以何項官員儘先選用照即

用人員之例辦理無論雙單月不入班次

即行其奉

旨以何項官員分部補用及奉

旨以何項官員分部行走並奉

旨以何項官員分部學習行走人員均俟到部行走

三年期滿奏留後遇有題選各缺應以期滿

之日與各項到部候補並學習期滿奏留候

補人員比較到部期滿奏留各日期先後補

用如未屆三年期滿仍照奉

旨補用人員定例選用

特旨人員分別引 見

一漢軍漢人文武大臣後裔有欽奉

特旨交部帶領引

見人員如在奉

旨之先得有別項官職俟赴部時仍行帶領引

見將該員所得官職於本員名下及摺尾聲明請

旨錄用如在奉

旨之後除因中式科目及榜下錄用不計外其餘無

論所得何項官職於赴部時卽將該員所得之官查銷仍照

特旨人員帶領引

見以歸覈實而杜取巧

各部員外郎有候陞郎中後以陞階卽選之

案未經陞用補放御史請 旨

一各部員外郎

記名御史欽奉

特旨候陞郎中後以道員卽選未經陞用補放御史

可否於御史任內以道員卽選請

旨遵行

鹽運使道府請 旨

一鹽運使道府請

旨缺出將丁憂服滿裁缺迴避候補降革開復及終

養病痊引

見不必坐補原缺人員俱開列名單

應補道府從前本係繁缺及曾

經調繁卓異並部員外用原係保送繁缺後經推陞簡缺俱准開列如捐納

項候選人員並應補之員原係簡缺未經調

繁卓異暨部議降用道府或降革援例開復

全題題

欽定吏部則例

卷之八

奎

捐入應補及捐陞道員又經陞

交部

記名各員

另繕
次單

以及

命往各省補用人員

查其在部候補時係
例得請

遇本省請

旨缺出統較授文及奉

旨日期先後開列進

呈恭候

簡用鹽運使服滿赴補有情願具呈改補道員者奏

叨帶領引

見請

旨如奉

旨以道員用照奉

旨改補日期與候補道員較投文日期先後序用又

嘉慶十二年三月奉

上諭向來部院各衙門京察一等人員引見後經朕圈
出者俱交該堂官再行出具切實考語覆行引見以
便飭催道府其家有老親身係獨子或雖非獨子而
侍養情切者俱准其聲明留京供職至內務府一等
人員向來引見後有圈出者並不覆行引見辦理殊

未出內務府記名後既可一體簡放道府自應交各堂官再行詳覈該員平日居官辦事出具切實考語覆行帶領引見卽實有親老情願侍養者亦當准其一體註明庶考績大典倍加詳慎而於部院定例亦屬相符所有此次內務府引見京察人員卽照此辦理著爲令欽此嗣後內務府官員

京察一等如奉

旨交部記名以道府陞用者遇有請

旨缺出卽一體開單進

呈恭候

簡用

旗員服制未滿停其

簡放外任

一旗員科道以下等官

京察一等引

見欽奉

特旨交軍機處

記名人員由考功司移付文選司查明官冊如有服

制未滿之員開單知會軍機處暫行扣除俟

欽定吏部則例

卷之八 銓選漢官

七

上

該旗咨報服滿後再行知會遇有應開之缺

開列請

旨簡放其交部

記名之員如有事故亦卽扣除俟服滿後再行請

旨

特旨陞用人員赴任回任

一各省現任官員欽奉

特旨陞任他省者該督撫於接到部咨卽責令該員
將任內經手事件交代清楚勒限起程赴任

如任內有承辦要件難以遽易生手該督撫
查明如在半年以內即可完竣者務於交代
限內先行咨部展限併咨明該員陞任省分
督撫查照其有半年以上方可完竣者即將
緣由據實奏明加展一面催令依限趕辦事
竣之日卽行給憑赴任統不得逾一年之限
如有逾違均照例分別議處其知縣以上等
官有等獲盜犯等案及十年俸滿引

見奉

古指明以何項官員陞用者無論有無仍同原任字
樣俱由部給與執照仍令回任遇缺題補其
佐貳雜職等官有拏獲盜犯引

見奉

旨以何項官員陞用者亦無論有無仍同原任字樣
卽由部給照令其回任遇缺補用至拏獲盜
犯題准送部引

見人員未經赴部旋即丁憂嗣經服滿引

見以何項官員用者亦由部給與執照仍同原任省

分候補

道府請

旨部選各缺不准改題調缺

一道府各缺如原係請

旨補放及部選之缺俱不准其改爲在外題調至原

係部選之缺或因地方情形今昔不同令該

督撫隨時具題准其改爲請

旨簡補註冊

如係部選之缺奏請改爲請

旨簡

放亦必須將請

旨缺或題調缺內

改爲簡缺

歸部銓選其有應歸月選之缺改爲題調要

缺亦必須於本省題調要缺內酌改簡缺互

金匱要略卷之八
其福建興泉永道泉州府等道府各缺改
換為由外調補所遺之缺分別請 旨部
選另有 此外大小各缺均不得妄請更改如
有實因繁簡不符必須隨時酌改之處令各
督撫分別缺之大小如丞倅牧令之缺應請
改繁者卽於丞倅牧令缺內改簡互換其佐
雜之缺卽以佐雜內酌改不准將州縣以上
之缺與佐雜互易

嘉慶十九年三月奉

上諭吏部議駁吳璥等請將道府二缺改爲題缺一摺

所缺甚是運河道原係請旨之缺向多於記名人員
內簡放如果該員到任後不諳河務仍准該河督奏
明更調今遽請以此缺改爲在外題補豈奉旨簡用
之人悉不如在外保題之人耶若云初任人員不諳
缺分情形則外吏孰不自初任始其稱職與否存乎
其人亦非可一概論也至東昌府本係部選之缺上
年曹定匪徒滋事東昌境壤密邇一切事務較繁該
撫奏請將稽承羣陞補朕特旨允行豈能因以爲例
外省督撫遇地方偶有事故往往於事後奏改缺分

不知地與事適然相值該督撫平日留心整飭則境
壤否穰甯謐非將一二州縣改簡爲繁卽能於吏治
大有裨益輕易舊章殊屬無謂將此通諭各督撫知
之欽此應欽遵

諭旨恭纂入例

道府請

旨缺候補人員不准請

簡

一各省道府請

旨缺出概不准將在省候補並在任候選人員開單
隨摺請

簡其各省

記名人員如遇請

旨缺出由軍機處開單請

簡各督撫亦不准隨摺聲請如有違例保題者照本

例加等議處至省會首府缺出如有以人地

相需隨摺請調欽奉

特旨准行者其所遺之缺無論應題應調應選均應請

旨簡放不准扣留以符定額

同治五年十一月奉

欽定吏部則例

卷之八

銓選漢官

主

上

上諭本日據英翰奏鳳陽府知府胡慶源因病出缺請
旨簡放並另片臚陳候補知府胡玉坦等三員請酌
量簡用一員各等語所奏殊屬非是鳳陽府爲請旨
要缺應由朝廷特簡安徽省如有出色人員該撫不
妨隨時保薦聽候錄用何得於見缺之後遽行保奏
此中流弊不可不防前於同治元年十一月間曾因
官文嚴樹森指缺請簡降旨通諭各該督撫自應遵
照辦理乃近來各督撫遇有請旨之缺仍復將該省
人員附片密陳朝廷期在得人聞有允准第恐此端

一開黃緣奔競之風或由此起於吏治大有關係嗣後著名督撫仍遵前旨如有才堪任使之員隨時保奏候旨錄用不得指明某缺懇請簡放以待定制而杜弊端將此通諭知之欽此應欽遵

諭旨恭纂入例

京堂謝 恩

一在京三品京堂以下鴻臚寺少卿以上於

簡放後卽由各員自行具摺謝

恩其從四品之翰林院讀講學士內閣侍讀學士並

正五品之詹事府左右春坊庶子欽天監監
正太醫院院使正六品之國子監司業欽天
監監副太醫院院判亦均於奉

旨補放後令其一體自行具摺謝

恩至國子監司業應陞翰林院侍讀侍講詹事府洗
馬中允欽天監監副應陞各部員外郎如陞
任後例由堂官註考卽毋庸具摺謝

恩以符體制

各項滿洲蒙古京堂應行訓
恩之處另載滿洲例內

嘉慶二十年九月欽奉

諭旨嗣後翰詹衙門如有應轉之員係吏部照例擬轉者均不必具摺具呈謝恩欽此應欽遵

諭旨恭纂入例

外任官員謝恩

一應行謝

恩各官每月陞選並外任揀發由部揀補實缺人員

定以引

見後

特旨簡放人員定以奉

欽定吏部則例

卷之八

銓選漢官

三

上

青後月選佐雜各官定以驗看後分發試用佐雜各
官定以掣籤後吏部統於五日內劄知鴻臚
寺鴻臚寺於文到五日內傳令該員等謝

恩其有丁憂患病等項事故具呈到部者隨時劄知
扣除俟該員病痊銷假時亦卽劄知傳令謝
恩儻有無故不到查係有心違誤卽行嚴叅議處凡
已經謝

恩人員鴻臚寺於五日內知會部科查照如逾限照
行文遲延例議處

欽定吏部銓選漢官則例卷之八目錄下

雜例

稽查出結

開復捐復官員分別出身原資

京外陞任各官換戴陞銜頂戴並八品以下官

員分別頂戴

各項考試處所並出結官員

考職各項領照限期

各省現任候補及在籍候選人員無論何項事

件不准遣丁赴部具呈

各部設立督催所

○各部已未完結事件三月
奏聞一次○題奏事件

並咨補各缺到部後各項定限

鈔錄檔案存庫

吏部設立稽俸廳

兵部設立稽俸廳

中書科協辦內閣中書事

旗員子弟隨任

旗員留任就養

降調分別註冊勒限給咨

考試膳錄

○舉貢監生及由貢監捐納職銜人員考試膳錄○候補膳錄赴部驗到

按原考名次○膳錄送館後按限到館○候補膳錄送館時患病痊○膳錄告假限滿銷假後仍扣限送館○鄉會試挑取膳錄○順天鄉試及會試時應否挑取膳錄具奏

幕友捐納職官不准留省補用

衍聖公襲職及所屬執事等官題補

○衍聖公襲封及所

屬官員咨送題補○衍聖公之子分別長次承襲○衍聖公嫡長子及歲○尼山書院學

錄等官○世襲六品官照執事官之例揀選○聖廟執事官由衍聖公會同學政揀

選○世襲五經博士考試○衍聖公所屬各員

太常寺官員陞補

鴻臚寺官員陞補

欽天監官員陞補

太醫院官員陞補

陰陽醫學僧道等官註冊

番役子弟不准應考出仕

各館書成議敘條例

○援案議敘祇准以本館之案比照辦理○議敘提

調等官分別等第咨部○

內廷常開各館

議敘不准從優仍應挨次銓選○格外出力

人員分別給予班次並議敘級紀纂辦尋常

書籍不准率請陞用○滿蒙主事等官未經

保奏加班議予敘紀○滿蒙漢軍筆帖式議敘選班陞班○主事等官分別應得班次不准保奏本班先選○從優議敘各員分別京外階班次○繙書房並各館保奏議敘人員分別出身銓補○繙書房繙譯官保奏蒙古筆帖式不准補理藩院額缺○繙書房繙譯官已邀議敘內用准其加班其餘各館不准援例保奏○滿蒙繙譯舉人考取教習之員議敘內閣中書等項准以各本旗之缺補用○候補內閣中書分別從優尋常班次並加班加級○同知等官分別從優尋常班次再有議敘祇准加級○各館舉人謄錄分別從優尋常班次並加班加級○各館謄錄鹽庫大使職銜分別從優尋常班次並加班加級○各項議敘人員按等第先後補用○各項就教等項人員分別從優尋常班次並加班限制○庶吉士派充纂修等官不准保奏免其散館○現任議敘加級未經題覆陞任

者於陞任內改紀。○各館膳錄由進士舉人等項出身者按班給予議敘不得復加數缺班次。○滿蒙漢軍文舉人充補繙譯膳錄等官分別揀選加班。○已准議敘應陞應選人員分別應否准其呈改級紀。○已邀議敘候選人員分別給予加班級紀。○舉貢教習期滿知縣復充膳錄各歸原班加班銓選。○世職等項充補繙譯等官祇准按本職給予議敘。○各館繙譯膳錄由滿蒙漢軍候補筆帖式及閒散文舉人等項充補。○各館膳錄捐陞官階並報捐職銜。○貢監生員膳錄中式舉人及未經題覆之先鄉會試中式分別給予議敘。○各館承辦人員註明等第不得自定班次。○議敘人員俟題明後掣定名次選用。

辦工書算人等不准奏請議敘

議敘吏部堂司各官送都察院查辦

刑部司員駁正案件議敘

押運抵通無欠議敘

○江南等省押運抵通無欠分別議敘○道員督辦

海運三次全完

承運銅鉛無欠議敘

接運銅鉛無欠議敘

堵塞支河議敘

官員捐墾荒地議敘

捐栽蘆葦樹木議敘

孳生馬匹議敘

各倉監督議敘

報開新廠督辦官員議敘

樂善好施議敘

紳士商民人等捐修文廟書院等項擬給匾額職銜級紀

○捐輸人員未經就職恩拔副貢等項分別給予議敘○現任各官祇准分別銀數給予

級紀○奉

旨從優議敘人員加等給予

紀錄○勸捐董事人員奉

旨從優議敘

分別給予紀錄頂戴○官紳士民捐輸病故

並獲罪人員分別給予建坊減等○行查捐

輸各員咨覆遲延○捐輸軍餉河工辦賑修

城重大事務分別京外現任候選候補人員

給予職銜加班等項限制○議敘職銜頂戴

人員題准後該督撫造冊備文請領部照

粵東閩省商民運米議敘

各省書院掌教年滿議敘

禁止幕賓議敘並屬員不准私充幕友

武英殿修書議敘

繙譯膳錄等官議敘

欽定吏部銓選漢官則例卷之八下

雜例

稽查出結

一候選並分發官員以及各項考試官生取具同鄉京官印結所有江蘇與安徽湖北與湖南陝西與甘肅均不准通行出結如該本省京官稀少或有京官而無印信或有印信而官階在六品以下者例不出結令取結人員遵照向例先取具同鄉京官圖結再加鄰省

欽定吏部則例

卷之八 銓選漢官

一

下

京官印結亦准一體辦理所出印結官銜字跡與履歷筆跡不符以及墨蓋硃者卽令飭駁各部院衙門司員其有兼司行走者祇准用本司印不准用兼司印戶工錢局監督各倉監督均係出差之員不准出結至出結各官各按省分必與本人素相認識方准出結不得任意浮多所出結內將本員籍貫履歷註明並將出過印結各該衙門登記號簿按月詳摘事由呈堂造冊咨送吏部查覈吏部

四司司員所出印結俱令於出結簿內詳敘

事由按月彙稿呈堂查覈以杜冒濫其各衙

門司員所出印結如冊內無名印傳赴選赴

考人員查究其各省例應出結五六品京官

須聯銜呈明吏戶兵部再於各省五六品京

官正途出身人員內公舉一二員總司查覈

書押出結及查覈書押人員於每年開印時

接辦仍須聯每月造具印冊聲明本月分出

具印結張數分送各部以專責成其同鄉京

官濫行出

結並查結官應分別議處之處例載
各項呈請驗看分發及處分則例

咸豐十一年十二月奉

上諭給事中高廷祐奏捐官流品濶雜請飭令出結官
認真稽查等語近來捐例繁多流品不一全賴各省
出結官認真稽查以杜弊混若如該給事中所奏近
日各官出結多虛應故事有名無實以致身家不清
白之人皆得朦朧捐出仕無從指摘更難保無匪徒濶
跡其間實屬有干禁令嗣後各省有自俊秀貢監以
及雜職虛銜捐官者先取具親友互保到局對認無

誤方准出結其餘各項報捐人員亦皆詳究來歷毋任朦混儻有前項情弊除出結官照例議處外其管理印結局官員該部查取職名一併嚴加議處欽此

欽遵恭纂入例

開復捐復官員分別出身原資

一進士舉人副榜貢監生員等項出身各官因事革職後經開復捐復原官以及奉

旨以何項官員補用者俱准其將出身原資一併開

復其革職奉

賞給舉貢生監等項之後復又開復捐復原官以及奉

旨以何項官員補用者俱照所賞之項作為出身不

准開復原資

如進士出身官員革職後賞給舉人復經開復捐復原官

或奉旨以何項官員用者即作為舉人出身不准開復進士之類

京外陞任各官換戴陞銜頂戴並八品以下

官員分別頂戴

一京外陞任人員京官候奉有

諭旨外官自接到部文後即換用陞銜頂戴

如出現任人員

捐陞並未另捐陞銜者未經
補任之先仍就本職頂戴 再八品以下官

員由進士舉人除授八九品小京官及由舉
人除授教職者均准其仍用進士舉人素金
頂七品補服如降至佐雜等官雖係進士舉
人出身仍不准其戴用大銜借補小缺人員
各照本銜戴用其貢監出身八品官用陰文
鏤花金頂九品以下俱用陽文鏤花金頂補
服仍照舊例穿用

各項考試處所並出結官員

一月選各官仍照向例在

午門內

上諭館考試繕寫履歷外其餘各館謄錄貢監考職
內閣中書學正學錄並恩監生等項應試人
數在一百名以內者在

天安門外朝房考試考試之日奏請

欽派監試御史二員並行文

景運門護軍統領處多派護軍叅領護軍校帶領
護軍往來巡邏嚴禁一切閑雜跟役人等行

走以肅場規屆期黎明監試御史點名給卷
令諸生自備桌椅排次列坐勒限於日入前
全行交卷不准給燭應試人數不及二百名
而已在一百名以上者歸入貢院考試奏派

搜檢大臣數員彈壓副都統一員監試御史

六員

內分別內簾二員外簾四員

受卷司員二員考試前

一日監試御史分門挨次點名搜檢入場歸
號於次日黎明出題考試令彈壓副都統監
試御史在至公堂認真稽查以杜傳遞代倩

之弊限日入時全行交卷

受卷司員專司其事

不准給

燭如日入不能完卷卽行扶出毋許逗遛其

彈壓副都統令兼監臨之責場內一切事務

及胥役人等統歸管束凡閱卷大臣監試御

史彈壓副都統並辦考司員及受卷官有子

弟宗族姻親考試者照鄉會試之例一體令

其迴避至取定後覆試尤宜嚴密應令監試

御史認真監看並令巡邏官兵來往稽查俟

取定試卷進

呈出榜後始准散歸至一應考試有需各官印結
必須五六品京官始行准用其餘各項小京
官一概不准出結以上各項考試均責成出
結官於點名御史前當面識認儻有頂替等
弊除本人照例治罪外將出結官分別交部
議處如同鄉官濫行出結自行查明檢舉照
失察公罪例議處別經發覺照徇庇私
罪例議處其分別議處
之處詳載處分則例如出結官臨期不到
即將所保結之試卷立行扣除仍查詢不到
緣由以憑究辦仍於場前嚴切曉諭士子並

通行各衙門轉知會出結各官一體遵照

考職各項領照限期

一各項應給執照在部之貢監考職肄業期滿各館議敘曆錄供事俱於奉

旨文到之日爲始限一月內取具同鄉京官印結赴部祇領至在京各衙門役滿書吏於文到之日查明合例將執照封發著役衙門限一月之內給發各省捐輸議敘在外役滿書吏於奉旨文到之日查明合例將執照封發各該督撫轉發

該管地方官限兩月之內傳令本員驗明給發如有違限即將執照繳銷應銓選者停其銓選應予職銜頂戴者一概查銷其在京在外給發執照俱取具本員親領甘結年終彙冊報部查覈

一遺缺道府及揀發河工地方人員並即用大挑一等拔貢知縣應由部給照人員遺缺道府揀發河工地方人員以奉

旨之日爲始即用大挑一等拔貢知縣以在部掣籤

之日爲始均限於一月內赴部領照並各項
按月分發應按期領照人員適因事故不克
領照俱按其限期一律扣展至兩月止如並
無事故兩月限滿仍未赴部領照卽照給憑
例議處其一月內呈明事故至兩月不領照
者卽以兩月限滿之日起覈其逾限日期按
照領照赴省逾限之例分別議處

各省現任候補及在籍候選人員無論何項
事件不准遣丁赴部具呈

一各省現任候補以及在籍候選人員如有一切請示事件除實係在部投供或赴部分發及例應在籍候選人員有事來京並各省現任候補人員因公來京者如有聲明之作准其取具同鄉京官印結赴部呈請覈辦其各省現任候補並在籍候選人員無論何項事件如有遣丁赴部具呈者一概駁令呈明該督撫查明咨部辦理

各部設立督催所

欽定吏部則例

卷之八

銓選漢官

八

各部已未完結事件三月奏

聞一次

一各部俱設督催所酌派司員專司稽查至科道註銷之時令承辦各司將已未完結事件造送該所司員就近調取號簿勘對明確如果無朦混列銜畫押鈐印令該經承赴科道註銷仍將已未完結之處三月奏

聞一次如恭遇

皇上巡幸之時令各衙門每月奏

聞一次

回鑒之日仍三月一次

題奏事件並各補各缺到部後各項定限

一奉

旨交部議奏單題事件於科鈔到司限五日內付查

各司有無事故各司承辦司員於查到後五

日內付覆其有應查各部事件者限十日內

行文片查各該衙門應遵照十日

吏禮兵工四部限

十五日

戶刑二部限

之限片覆過部統俟覆回後

限十日內辦稿各該司員等於十日書押十

日內呈堂定議俟畫齊後遵照例限交本並
移知督催所登記號簿隨時稽覈其本房繕
本並送交內閣各日期仍照定限辦理俟題
覆奉

旨後鈔出到部之日起限十日內行文至各省咨補
佐貳雜職等缺各直省咨補文移到部除遵
照定限行查事故辦稿呈堂定議外限三十
日行文完結併移知督催所與應題之件一
併查覈仍按文到日期先後按月挨次彙題

以免顛倒挪移之弊其各部院查覈及奏留等項有關補缺題奏之件俟呈堂定議後限十日內片覆如逾例限卽將該承辦司員照例議處遇有例所未備有關出入之件應由堂司各官公同酌覈比案辦理並應詳細駁查往返需時者如稍逾定限亦不得遲至一月之外始行定稿至各司應行付覆如有實難依限者照例移知督催所展限

同治三年三月奉

上諭御史賈鐸奏請剔除積弊敬陳管見一摺各部書吏於應題應行事件任意逾限而藉口某司查覆未回某部片覆未到弄權亂法百弊叢生等語各部院應題應行事件原有定限豈容縱令書吏任意把持各該堂官亦宜常用入署稽察各司積壓立予嚴叅以後如何聲明舊例設立號簿嚴定限期並遲延處分之處著各部院堂官會同交議章程奏明辦理等

因欽此

抄錄檔案存庫

一各部院衙門堂行總簿俱照稿全謄於年終
封印前送庫責成檔房司員按司設櫃收存
遇有應查之事令該司移付檔房查閱定限
三日內繳庫以防失損各該司於三月一次
摘寫事由造送督催所存案至年終封印前
令督催所司員按照原送事由各冊督催該
司逐案清查開明件數彙齊說堂鈐印分別
存庫存司如有隱匿遺漏僅摘事由草率簡
略將承辦司員照例議處

吏部設立稽俸廳

一吏部設立稽俸廳鑄給印信歸併稽勲司司員管理凡文職各官俸祿冊檔俱由該廳覈明咨送戶部支給

兵部設立稽俸廳

一兵部設立稽俸廳鑄給印信該堂官於事簡司分內酌派司員兼理凡武職各官俸祿冊檔俱由該廳覈明咨送戶部支給

中書科協辦內閣中書事

一中書科職任最簡滿洲漢掌印中書各一員
筆帖式二員准留本科辦事其不掌印之中
書七員筆帖式十員俱分派內閣協辦中書
事務如恭遇

覃恩內外

詰軸繁多之時聽其回本科專司辦事

旗員子弟隨任

一外任並出差之旗員子弟帶往任所差所幫
辦家務者准其帶往其親族內有品行端方

諸練公事情願令其隨任幫辦公務或有篤
睦家族親黨帶往讀書肄業者亦准其隨往
自州縣以上並漢軍佐雜人員由京補放者
本員呈報本旗准其一體隨往在外大員准
其咨報本旗餘則呈報該管官轉咨本旗查
取本人父兄情願准其隨任甘結報部給發
路照前往不願者聽其非由本任職官呈請
而本人願往者一概不准如有呈請尊長隨
任者由該族長出具並無倚恃尊長抑勒甘

結該佐領加結呈報本旗查覈屬實方准隨
往如有私行潛往者照例治罪其隨任人員
如有不服管束輕者報明咨遣回旗重者照
例懲辦該管官仍嚴加查察如有不安本分
滋事者由本員查出呈報免其議處若別經
發覺照例分別議處

旗員留任就養

一滿洲蒙古漢軍旗員有子姪外任懇請留養
或出差京外隨往差所准其照旗員子弟隨

任之例詳明各上司該督撫覈實情節先行咨明部旗吏部行文該旗查明現在有無當差之處如該旗聲覆並無當差准其留任就養其父兄有由京同往任所以及差所就養者由本員呈報本旗都統咨部准其留任就養降調分別註冊勒限給咨

一各省陞補及河工同知通判陞署降調人員查其從前陞補陞署及山部推陞如係未經引

見並奉

首以何項官員補用尚未題補得缺者遇有降調均照原官降調註冊其河工陞署例不引

見之州同以下等官遇有降調如係未經實授者均照原銜遞降註冊以上降調人員俟交代清楚後定限三箇月分別給咨赴部回籍候補如遇患病不能起程令該督撫驗明結報許展限三箇月逾限不痊咨部勒令回籍病痊之日例應赴部者由原籍督撫給咨赴補在籍候選者俟該督撫咨報病痊到部再行銓

選如業經降調及緣事革職應行離省之員
無故逗遛省垣或該督撫於該員交代清楚
後不卽給咨令其回籍及回籍候補赴部候
選轉將該員留省差委藉端保奏者均照例
移付考功司分別議處其知縣以上莅任後
被叅降調係應行引

見令其赴部候補降至正八品以下免其赴部投供
得缺後行文原籍督撫驗看給憑赴任其有
部議降調曾經奉

旨送部尙未引

見又因別案議降奉

旨照部議實降者此項人員毋庸將前案帶領應按
兩次降調以應得之項遞降註冊銓選如兩
次降調之後又遇有降革奉

旨俟補官日聲明請

旨者俟該員月選得缺引

見時將補官日請

旨之案於夾單內聲明請

欽定吏部則例

卷之八

銓選漢官

圭

下

旨

道光十六年四月奉

上諭御史況澄奏請飭禁降革人員違例逗遛藉端保奏一摺各省革職降調人員例應分別飭令回籍及給咨赴部並容任其遷延觀望藉事夤緣是以屢經降旨諭令該督撫等於此項人員不得瞻徇情面爲見好乞恩地步若如該御史所奏近年各省降革之員並不同籍赴部往往逗遛省垣覬覦差使或干謁上司妄希委署或囑託僚友遇事吹噓雖經離任仍

復干預公事藉圖開復又或勸助勒幫求飽囊囊甚
或放債漁利窩留軍犯行止卑鄙紛紛效尤且該督
撫等但知徇庇局員罔顧政體縱謂該省要務需人
儘可於現任候補內遴選差遣豈通省竟乏賢能專
藉茲降革人員始能藏事耶似此藉端取巧致開奔
競之風於吏治官方大有關係嗣後各督撫等務當
破除銅習一秉至公遇有屬員因案革職者飭令回
籍降調者給咨赴部候補卽有交代經手事件亦應
照例勒限咨部辦理不得任意遷延妄生希冀經此

次諄諭之後各督撫等如敢視爲具文將此項人員
留省差委甚至登諸薦牘吏部卽行指叅並將此旨
載入則例將此通諭知之欽此又是年六月奉

上諭嗣後凡緣事革職降調應行離省之員該督撫於
交代清楚後不給咨令其回籍及回籍候補赴部候
選轉將該員留省差委藉端保奏者著照委署別缺
之例定爲降一級調用私罪卽載入則例通行各直
省著爲令欽此欽遵恭纂入例

考試臚錄

舉貢監生及由貢監捐納職銜人員考試

膳錄

一各館需用膳錄由吏部出示傳喚應准考試之舉人各項貢監生及由貢監生捐納從六品以下佐貳職銜人員並行文禮部將舉人國子監將恩拔副歲優貢生捐納貢監生其有情願赴考者造具清冊送部均令取具六品以上同鄉京官並無頂替印結投遞吏部奏請

欽派閱卷大臣傳齊出結官於點名時識認給卷考
試取中者挨名註冊俟將次用完再行考取
如未邀議敘之謄錄適遇該館裁撤咨回另
送准其俟各館咨取時儘先咨補

候補謄錄赴部驗到按原考名次

一候補謄錄每月初一日赴部驗到俟各館咨
取時查照本月分驗到人員按原考名次傳
喚咨送充補三傳每傳五日三傳共十五日
滿蒙漢軍人員知照該旗
轉傳以免遲誤不刊另送其次之人如遇二三館同

時各取總接文到先後將本月驗到之人挨
名傳送其有告病員缺不得將已傳別館之
人挪移頂補卽將其次未傳之人傳喚咨送
以杜規避

膳錄送館後按限到館

一膳錄送館之後該館於接准部文之日起限
一月之內將到館日期報部如逾限不到卽
行扣除到館之後遇有親喪事故照例具報
回籍守制不准留館起復到部准其遇缺先

儘充補未經補官者丁憂服闋仍照考取名次咨送

候補謄錄送館時患病病痊

一候補謄錄於傳喚送館時呈明患病者病痊之日坐補原館如已逾三傳限期始行呈明患病俟病痊投供驗到後遇本館咨取時將該謄錄扣除傳送一次俟本館再咨取時方准傳送坐補原館設該館停止准其按名咨送各館仍扣除傳送一次其未經傳喚之員

呈明患病暫假調理概不准行

膳錄告假限滿銷假後仍扣限送館

一候補膳錄有告假回籍措資及回籍調理俱
定限六個月方准銷假假滿仍接具呈日期
扣限三十日限期未滿雖有缺出不准咨送
以杜擇館之弊

鄉會試挑取膳錄

一鄉會試挑取膳錄內有各項候選官員如已
選補實缺或已在內閣行走及分發各衙門

行走者卽將膳錄查銷如祇係候選及上次
膳錄送館後已邀議敘候選人員復挑膳錄
者仍准各按科分名次咨送其由候補教習
挑取並教習期滿候選知縣復經挑取膳錄
者仍准其咨補如現充教習之員卽不准兼
補膳錄至大挑二等教習期滿及國子監肄
業期滿各項候選教職人員復又挑取膳錄
均准咨送其有情願註銷候選班次者亦准
其註銷仍留膳錄一體咨送各館該候補膳

錄等統於初一日驗到以先漢人取具同鄉
京官印結滿洲蒙古漢軍各取具圖結將有
無候補候選分發試川各官之處赴部切實
聲明其續經中式加捐各官亦卽隨時聲明
如未經具結卽不准其驗到俟續經具結聲
明方准列入

順天鄉試及會試時應否挑取膳錄具奏
一每逢順天鄉試及會試時吏部查明候補膳
錄人數多寡應否於未經中式薦卷內挑取

具奏請

旨如奉

旨准行查照奏定名數

鄉試挑取一百二十三名會試挑取四十名臨時

酌量分別挑取移會至公堂將未經中式之

滿洲蒙古漢軍漢員薦卷硃墨卷首彌封令

正副考官率同考官秉公校取擇其字畫端

楷者於墨卷面上擬定名次咨送吏部拆封

填榜註冊過各館需人仍照原奏按其名次

滿洲蒙古漢軍漢員將生監咨送三人舉人

一體按挑取名次

咨送一人其候補投供驗到及丁憂告假等事悉照考試膳錄之例辦理

幕友捐納職官不准留省補用

一各直省督撫衙門幕友凡捐納職官及加捐分發者概不准藉詞奏請留省補用以杜趨避如有違例奏留者即將該督撫照例議處其報捐指省及勞績保留出力省分赴部驗看分發人員均於赴選文結或同鄉京官印結及本旗圖結內聲明並未曾在該省督撫

司道府廳州縣衙門襄辦刑錢等事

曾在河工鹽務

遊幕者祇令迴避本省河工

方准驗看分發

如不聲明仍行文該省查明有無隱匿專者
即行扣除

報部覈辦如隱匿不報或捏稱遊幕希圖改

省者別經發覺均照規避例革職其出結之

京外各官照迴避寄籍祖籍不行呈報例分

別議處

另詳處分則例

學幕代庖各員照舊迴避不

准仍留原省如有隱匿不報別經發覺仍照

迴避人員議處

凡遊幕人員如非在該省督撫司道府廳州縣等衙門襄

辦刑名錢穀者毋庸迴避至月選得缺並由部籤掣分發

人員與本員指捐及保留出力省分者不同毋庸呈請迴避凡各省督撫藩臬及首道首府所延幕友均應切實查明如有祖孫父子胞兄弟在該省出仕確有原卷三代履歷可憑者咨部照官員親族迴避之例分別以總督兼轄及連界省分改發改掣行令該督撫給咨該員前赴改發改掣省分仍歸原班補用准其接算原到省日期並將起程到省各

日期專咨報部查覈不准本員改指如有出繼者仍應照此辦理其餘族戚應令該督撫等嚴密訪察如有負緣徇庇諸弊隨時隨事從嚴懲辦儻容隱不舉別經發覺除本人治以應得之罪並將延請之本官及未察出之督撫分別議處

衍聖公襲職及所屬執事等官題補

衍聖公襲封及所屬官員咨送題補

一衍聖公襲封由該巡撫題請吏部具題承襲

其衍聖公凡有所屬官員俱由衍聖公咨送吏部具題補授

衍聖公之子分別長次承襲

一衍聖公由長子承襲主子思子祀事五經博士由衍聖公次子承襲主聖澤書院祀事太常寺博士由衍聖公三子承襲

衍聖公嫡長子及歲

一衍聖公嫡長子年及十五歲題請

欽授二品冠服候襲公爵

欽定吏部則例

卷之八

銓選漢官

三

下

尼山書院學錄等官

一 尼山書院學錄由衍聖公咨送弟姪題補洊
泗書院學錄由孔氏生員咨送題補四氏學
學錄由孔氏歲貢廩生捐貢廩生內令衍聖
公揀選移送山東巡撫驗看再行保送題補
至聖廟司樂由各省生員題補管勾典籍掌書書寫
知印奏差由衍聖公保舉堪勝人員咨送吏
部題補四氏學教授由衍聖公於舉人貢生
內揀選或以四氏學歷俸六年後之學錄內

詳慎揀選亦移送撫臣驗看保送吏部題補
與直省各教授一體較俸陞轉

世襲六品官照執事官之例揀選

一裁缺之孔氏世襲曲阜縣知縣授爲世襲六
品官專主

崇聖祠祀事遇有缺出悉照執事官之例揀選咨
送吏部彙題如係進士舉人補授遇本班應
選之年照例銓選由貢生生員補授者遇鄉
試之年仍准鄉試

聖廟執事官由衍聖公會同學政揀選

一

聖廟添設執事官三品者二員四品者四員五品者六員七品者八員八品九品者各十員各按品級給與章服每遇

聖廟祭祀之時虔肅冠裳駿奔趨事遇有缺出令衍聖公會同山東學政於孔氏族人中秉公揀選擇其人品端方威儀嫺雅者報部充補吏部於年終彙題每年各給俸祿銀二十兩如

恭遇

覃恩悉照本身實在職銜給以應得

封典其原無職銜之貢監生童等出身者俱以八品
給封其孔氏子孫內情願充補之人或曾經
出仕而退休在籍或身有職銜而未經出仕
以及貢監生童等皆可入選若屆鄉試之期
其充補之生童有情願入場者准以監生入
場應試

世襲五經博士考試

一凡

聖賢後裔皆設世襲五經博士以奉祭祀東野氏五經博士二員顏氏曾氏孟氏閔氏仲氏有氏端木氏卜氏言氏三冉氏顓孫氏各五經博士一員由衍聖公保送禮部考試關氏博士三員朱氏博士二員韓氏周氏邵氏二程氏張氏伏氏各博士一員由該督撫咨送禮部考試其考試各員果能文理通曉註冊存案俟承襲之時由衍聖公及該督撫具題禮部

題覆准其承襲移咨吏部給發割付

衍聖公所屬各員

一衍聖公所屬各員除司樂仍以生員咨部補用外其餘各缺取其身家清白即甘各結咨部充補不得於額設之外再設預選名目自行給照如有因措資省親修墓等事告假者自到任之日起扣足三年方准給假其丁憂患病人員准其隨時開缺咨補

太常寺官員陞補

一太常寺漢寺丞員缺由協律郎贊禮郎內揀
選擬補協律郎贊禮郎員缺由司樂論俸陞
補司樂員缺由樂舞生揀選頂補奉祀員缺
由祀丞論俸陞補署正員缺由署丞論俸陞
補祀丞署丞員缺由樂舞生揀選頂補以上
官員俱於本衙門陞轉陞至寺丞祇加品級
服俸不得陞補別衙門遇有缺出先儘丁憂
起復病痊假滿之員如無人卽於應陞應補
人員內俱不論雙單月由禮部太常寺移送

吏部照咨補授停止具題

鴻臚寺官員陞補

一鴻臚寺漢主簿員缺由鳴贊論俸陞補鳴贊
員缺由序班內考選聲音洪亮者擬補序班
員缺由教習序班內揀選擬定正陪補授其
學習生員定爲八額歸於直隸學政各取鴻
臚寺會同禮部堂官秉公揀選儀度端莊聲
音洪亮者令其在寺典鳴贊序班一體當差
學習行走缺出揀選補用至丁憂起復病痊

假滿之員仍由鴻臚寺考取聲音堪用者按其原職卽行補用遇有缺出俱不論雙單月由鴻臚寺知照吏部照咨具題補授

欽天監官員陞補

一欽天監漢監正祇加京官銜仍掌監事缺出由欽天監將漢左右監副一併咨送吏部帶

領引

見補授毋庸分別正陪

如遇左監副無人或右監副無人再將應陞監副人員內

補選左監副缺出由右監副轉補右監副缺

出山欽天監將五官正靈臺郎主簿詔壺正
內較俸擬正揀選擬陪咨送吏部帶領引

見補授如有

京察一等者與俸深人員相閒輪用

輪用 京察一等人員照

俸深之例將一等人員擬正揀選擬陪

其漢監副以員外郎陞

用五官正以主事陞用照滿洲官員陞轉之

例由吏部按伊得有品級食俸之日算俸入

於論俸推陞之月

八月十二月遇缺即補不積各項陞選之缺 每

年陞用一員

或八月或十二月祇陞用一員

陞用時先儘監

副一次後陞五官正二次輪次陞補

如該衙門因算

法熟練數理明白奏請停選員外郎等項應准其奏留毋庸陞選

如遇

京察一等引

見奉

旨記名者准其與俸深人員相閒輪用俱積該監陞

班之缺五官正員缺先將算學期滿議敘之

助教按期滿日期陞補一員次將欽天監應

陞之主簿司書博士陞補一員相閒輪用其

輪用算學議敘時卽以應陞之助教擬補毋

府擬定正陪輪用欽天監應陞時先用

京察一等一次

輪用京察一等人員照俸深用之例將一等擬正揀選擬陪

保題一次再用俸深一次相間輪用

京察俸深到班照例以本項擬正揀選擬陪保題

到班卽行擬補毋庸擬定正陪如遇各項無

人卽專用俸深人員此外有由恆星表卷告

成議敘應陞人員仍按照原題明班次於俸

深一人之後插用一人不積各班之缺其五

官正以下博士以上各員輪用次序亦均照

欽定吏部則例

卷之八 銓選漢官

五

下

以上輪用次序辦理靈臺郎員缺由五官監

候博士陞補主簿員缺由掾壺正司書監候

博士陞補掾壺正司書員缺由博士陞補其

監候博士缺出由天文生補授

先備保題天文生補用一

次再將天文生各按考取等第較俸陞用一次相間輪用

至各項勞績保

奏以應陞之缺儘先陞用人員應分別歸於

各本班之前陞用不積本班之缺再遇缺出

仍用本班人員其算學期滿教習議敘題准

以何項官員補用之員應按照算學期滿議

敘助教補用次序辦理以上缺出均先期向吏部查覈自行帶領引

見補授至天文生員缺由欽天監於肄業世業人員內自行考補凡欽天監官生丁憂均不開缺離任扣限三個月期滿仍行供職

太醫院官員陞補

一太醫院院使止加京官職銜仍掌院事院判缺出由御醫陞補御醫缺出由八品吏目陞補八品吏目缺出由九品吏目陞補九品吏

目缺出由醫士陞補遇有缺出不論雙單月
由太醫院於應陞人員內按其醫學優長當
差勤慎者揀選正陪奏

聞請

旨補授至丁憂服滿在院起復當差者試用三個月
告假回籍復銷假當差者試用六個月方准
補缺未經會考歸併本院季考面加考試覈
其醫學優劣再行知照吏部擬補試用期滿
考試堪取先到班者先補若同時到班除醫

學荒廢生疎不堪錄取外各項缺出應先儘

丁憂服滿一人次用開復一人再用陞轉一

人於擬補後咨行吏部查覈由太醫院奏請

補授毋庸擬定正陪

如輪用陞轉時仍照例擬定正陪

至醫

士恩糧各生每遇丁憂例不開缺祇給孝假

百日停餉百日後照舊當差月課季考照常

考試照常補缺惟醫士如陞俸缺應俟二十

七個月後擬陞再太常寺鴻臚寺欽天監太

醫院所屬官員如有奉

青卽用者遇缺卽行補用其議敘卽用及分班選用者仍各按議敘原題分別補用考試現任吏目醫士恩糧等員由太醫院會同禮部六年考試一次考試人員取一等者若差務無過按照名次儘先擬補一等用完將二等之差務勤能者分別序補三等者照舊供職停其陞轉不列等者革除仍准在院肄業以觀後效御醫八品九品吏目缺出將應陞人員按考取等第名次先後酌其差務勤惰擬定正

陪咨行吏部查覈由太醫院繕摺具奏請

古補授

俟到任後扣滿六年作滿擇其醫學優長當差勘與者各以應陞之缺歸作滿卽陞班內

例載京官醫士恩糧缺出將應補人員按照計俸條內

考取等第名次酌其差務勤惰挨次擬補仍

咨行吏部查覈效力醫生先儘正取名次擬

補再以次取名次續補其不取者卽行革退

如遇下次考試時仍准報名入試凡已經錄

取各員如有差務懶惰脫誤班期以及醫學

荒疎者卽行知照吏部停其陞轉遇有缺出

將其次應補之人擬補儘停陞後勤慎當差
學習自知愧奮卽查明出具切實考語咨送
吏部准其陞轉

陰陽醫學僧道等官註冊

一凡陰陽僧道等官俱由禮部查明給發制付
每於年終彙造總冊咨送吏部存案其內外
刑獄選用醫士六年役滿醫治獄囚勤慎無
過者在外咨授典科係州醫官由醫士充補
由禮部辦理仍知照吏部存在內准其咨報吏部授爲吏目職銜並

填寫執照封發該衙門自行給發

番役子孫不准由文途應考出仕

一步軍統領衙門番役遇有緝捕勤奮者祇准該衙門酌加獎賞毋許奏請給與頂戴如有濫行奏請者照違制例議處其子孫准其應試武場出任武職不准由文途應考出仕如有朦混報捐文職以及由文途應考出仕者均照例嚴叅究辦

嘉慶二十五年十二月奉

自步軍統領衙門番役向由清白良民充當嗣因御史
條奏番役子孫不准應考出仕經吏禮二部議准惟
思該番役內現有身任守備等官其子孫何以獨不
准其應考出仕嗣後番役子孫著准其應試武場出
任武職仍不准由文途考試出仕以示限制欽此應

欽遵

諭旨恭纂入例

各館書成議敘條例

援案議敘祇准以本館之案比照辦理

一凡各館書成議敘時應照例給予議敘

議敘各條

詳載本例其有例所未備尚須援案辦理者如係

照例議敘祇准援引本館照例之案給予議敘其從優議敘者亦祇准以本館從優之案比照辦理

議敘提調等官分別等第咨部

一凡各館書成奏請議敘祇准各該館將在館提調等官以及謄錄供事等均各按功課分別一二三等造冊咨送吏部辦理概不准用

超等字樣如各該館有違例濫用者將具奏

之大臣照例議處

詳載處分例內

內廷常開各館議敘不准從優仍應挨次銓選

一

內廷常開各館每屆五年奏請議敘其纂修謄錄

供事俱有定額每月給予公費如擺刊續修

纂辦書成祇准照前次成案奏請議敘分別

等第各部其滿漢翰詹部屬及漢中書等官

按依該館所列等第予以加級紀錄謄錄供

事亦祇准分別等第概不准援照並無公費
特旨開設之館率請從優至膳錄供事內有等第相
同者科甲按其科分名次捐納按其上庫日
期吏員按其結到日期挨次銓選不得請照
該館冊開名次敘用以杜挪先移後奔競之弊
格外出力人員分別給予班次並議敘級
紀纂辦尋常書籍不准率請陞用

一凡奉

旨特開之館及常開各館有

特交書籍纂辦者書成時其編纂人員內如有格外出力者聽該館臣擇其年久出力之員酌量保奏除明奉

諭旨特准給予班次遵

旨辦理外其交部議者吏部仍照奏定班次分別加等議敘無班可加者亦祇給予加級紀錄其餘常年開設各館如纂辦尋常書籍議敘時均不准率請保奏陞用致啟冒濫之漸至各館供事如有已邀議敘至雙單月卽用者不

得奏請暫行扣選其有保奏儘先選用並請
分發各省試用及卽用之前卽用之後選用
者概不准行

滿蒙主事等官未經保奏加班議予級紀

一滿洲蒙古六品主事等官有經保奏加班者

祇准照奏明班次覈辦

如陞班內之雙單月三缺後用二缺後用

補班內之本衙門四缺後用三缺後用二缺後用均係應得正項班次准其挨次遞加候選主事等官議敘選班卽照補班內班次歸單月選用

如未經保奏仍

照例議予加級紀錄

滿蒙漢軍筆帖式議敘選班陞班

滿洲蒙古漢軍筆帖式議敘選班自比較日期至本旗卽用議敘陞班自單月四缺至雙單月卽用均係應得正項之班准照辦理其蒙古筆帖式議敘應陞者應專以主事陞用七八九品小京官選班照主事選班議敘陞班照筆帖式陞班議敘

主事等官分別應得班次不准保奏本班
先選

一各衙門主事議銷試俸現任筆帖式議額外

主事贊禮郎讀祝官及候補筆帖式經制外
郎議作年滿並滿洲漢軍繕本筆帖式議考
班閒用考班二人後用候補庫使蒙古候補
貼寫筆帖式議考班閒用國子監助教欽天
監掣壺正等官議正班一人後用天文生議
卽用均係應得之班准照辦理其業經奉

旨記名理事同知通判並撫民同知通判知縣之小
京官筆帖式議敘時如係奏請優敘應行帶

領引

欽定吏部則例

卷之八

三

見並應行銓選人員准其歸於本班一人之後尋常
議敘准其歸於本班二人之後概不准保奏
本班先選以示限制

從優議敘各員分別京外陞階班次

一現任漢軍筆帖式從優議敘如本員呈請外
用卽給予外陞班次七品筆帖式以應陞知
縣歸於雙月

記名滿洲蒙古筆帖式兩班之後選用一人八品筆
帖式陞用通判九品筆帖式陞用州同州判

縣丞均歸於雙月陞選六缺之後選用再有議敘

祇准加級若並未呈請本班外陞仍議應陞

京職不准京外兩途陞用其各館奏請照例

議敘專以小京官陞用者仍按應得正項之

班覈議

繙書房並各館保奏議敘人員分別出身

銓補

一繙書房並各館保奏議敘案內如有科甲出身之小京官筆帖式並繙譯舉人出身人員

應以堂主事本班先用者應俟論俸應陞人員陞用一人之後再將議敘人員銓補一人

繙書房繙譯官保奏蒙古筆帖式不准補

理藩院額缺

一繙書房繙譯官有經該處保奏將蒙古候補

筆帖式以筆帖式補用者應照例以六部等

衙門之缺補用不准補理藩院額缺

理藩院蒙古筆

帖式例由本衙門出身人員補用故保奏人員不准補用理藩院之缺

繙書房繙譯官已邀議敘內用在其加班

其餘各館不准援照保奏

一 繙書房繙譯官如有已邀議敘一次之候補筆帖式保奏以京缺補用者祇准給予議敘卽用如再邀議敘保奏始准其入於議敘卽用人員之前先用其餘各館議敘有已邀議敘卽用之候補筆帖式如再邀議敘祇准給予加級紀錄不准援照繙書房之例保奏歸於議敘卽用之前先用

滿蒙繙譯舉人考取教習之員議敘內閣

中書等項准以各本旗之缺補用

一各館書成如滿洲人員及由蒙古文舉人繙

譯舉人等項考取教習之員有應議敘以內

閣中書及貼寫中書卽補者

如非考取教習人員概不准議

敘以中祇准以各本旗之缺補用不得議敘

准以不論旗分遇缺卽補班次

議敘卽補人員補用例載

內閣中書及考試滿洲貼寫中書條內

候補內閣中書分別從優尋常班次並加

班加級

一候補內閣中書各館書成議敘如該館奏請
優敘者祇准以本班二班之後用一人尋常
議敘者祇准以本班三班之後用一人各按
考冊本班選用如得有優敘人員復邀優敘
不准再加班次其尋常議敘之員又得優敘
者准其遞加至本班二班後用一人再有議
敘祇准加級

同知等官分別從優尋常班次再有議敘
祇准加級

一同知知州從優議敘給予雙月正班三班後

用尋常議敘給予雙月正班四班後用

兵馬司正

副指揮吏目補用班次無多應照同知之案議敘

通判從優議敘給

予雙月正班二班後用尋常議敘給予雙月

正班三班後用再有議敘祇准加級不得加班

各館舉人謄錄分別從優尋常班次並加

班加級

一各館舉人謄錄議敘知縣優敘者祇准議敘

雙月舉人二班之後用一人尋常議敘者祇

准議敘雙月舉人三班之後用一人如得有
優敘人員復邀優敘不准再加班次其尋常
議敘之員又得優敘者准其遞加至舉人二
班後用一人再有議敘祇准加級其捐班知
縣議敘亦照此辦理

各館膳錄鹽庫大使職銜分別從優尋常
班次並加班加級

一各館膳錄捐納鹽庫大使職銜書成議敘優
敘者祇准正班二班之後選用一人尋常議

敘者祇准正班三班之後選用一人如得有
優敘人員復邀優敘不准再加班次其尋常
議敘之員又得優敘者准其遞加至正班二
班後用一人再有議敘祇准加級

各項議敘人員按等第先後補用

一凡各項議敘人員有定爲一二三等者毋庸
分別另議統爲一班按等第先後挨名補用
各項就教等項人員分別從優尋常班次

並加班限制

一由各項就教並捐納漢小京官捐納捐職佐
雜及未經捐職之謄錄供事各員初次議敘
從優者准給雙月二缺後用尋常議敘者准
給雙月三缺後用再有議敘仍照應加班次
加班如已邀雙月二缺之員尋常議敘初加
雙月開用再加雙月即又加雙單月
開用優敘初加雙月即
再加雙單月即川之類此內捐納捐職人
員惟從九品未入流二項初次議敘先給予
雙月班次再有議敘准其遞加雙單月班次
其餘俱祇准議至雙月即用爲止不得加雙

單月班次如無可加班者均給予加級紀錄
再禮部儒士專以典史一項議予雙月選用
庶吉士派充纂修等官不准保奏免其散館
一凡由庶吉士派充各館纂修校對等官者書
成時無論是否

特開之館祇准量予議敘概不准保奏免其散館

現任議敘加級未經超覆陞任者於陞任

內政紀

一凡現任官員充補各館提調纂修等官遇書

成應行議敘加級人員有於該館奏請議敘奉
旨之後吏部未經題覆之先旋經陞任者吏部卽將
該員應得加級之處於題本內聲明准其於
陞任內改爲紀錄

各館謄錄由進士舉人等項出身者接班
給予議敘不得復加數缺班次

一各館謄錄如由進士舉人及捐納出身之員
充補者遇書成應行議敘以知縣選用者應

各接班給予議敘

如雙月進士舉人均係選
用五缺爲一班捐納選用

四缺爲一
班之類以奉

旨後扣足正班銓選不得復加數缺班次並捐職鹽

庫大使應議敘數班選用者

鹽庫大使定例
一應補一捐納

一舉人爲一班亦不得復敘數缺以免參差

滿蒙漢軍文舉人充補繙譯謄錄等官分

別揀選加班

一滿洲蒙古漢軍文舉人充補繙譯謄錄等官

者遇各館書成應得議敘時如係業經揀選

以知縣註冊之員准其照知縣議敘加班選

用如未經揀選者祇准議敘以筆帖式照例

補用筆帖式補用詳載其有本館奏請議敘奉

旨之後吏部未經題覆之前續經揀選知縣者應准

其各按各節照先經揀選以知縣註冊人員

應敘班次的減給予議敘

已准議敘應陞應選人員分別應否准其

呈改級紀

一各項已邀議敘應陞應選人員後次復邀議

敘准其遞加陞選班次如議敘之員有因前

次議敘陞選得缺者准其將後次議敘所得

加班之案呈請改爲加級紀錄

如初次議敘雙月開用二

次議敘加班准以雙月卽用適該員因初次議敘雙月開用陞選得缺者准其將二次議敘加班之案改爲加級紀錄之類如係後次議敘班次得缺

者其前次無論何項議敘概不准復請改爲

加級紀錄

其後次議敘係由前次議敘加班故後次議敘得缺者不准復將前

次議敘之案改爲加級紀錄

至議敘人員有於吏部未經

題覆以前情願將議敘改爲加級紀錄者准

其呈改如已經題覆應俟別項班次陞選得

缺後始准將議敘之案改爲加級紀錄其未經得缺以前概不准呈改

已議敘候選人員分別給予加班級紀錄
凡各館已議敘候選人員又經奏請議敘者吏部查照該館原奏除應行加班者仍按各本館成案議予加班外不准再予加級紀錄如有已議敘無可加班者應給予加級紀錄

舉貢教習期滿知縣復充謄錄各歸原班

加班銓選

一凡舉人貢生教習期滿候選知縣有復充各館膳錄者書成議敘時應各接出身原資仍歸各本項教習原班加班銓選不准歸入舉人班後選用

世職等項充補繙譯等官祇准按本職給予議敘

一由騎都尉世職並佐領世管佐領及奉

旨以旗員錄用人員如有充補繙譯校對收掌等官

者遇各館書成應得議敘時祇准各按本職給予議敘概不准保奏以對品文職敘用

各館繙譯謄錄由滿蒙漢軍候補筆帖式及閒散文舉人等項充補

一各館繙譯謄錄等官如由滿洲蒙古漢軍考取捐納候補筆帖式充補者議敘時准照候補人員給予議敘其閒散文舉人繙譯舉人並貢監生員官學生義學生馬甲等項充補者均以筆帖式一律敘用不准照考取捐納

候選之員加班

各館謄錄捐陞官階並報捐職銜

一各館謄錄供事書成議敘謄錄內有捐納郎

中員外郎道府直隸州知州品秩俱崇除奉

特旨給與班次遵照辦理外其餘不准議敘班次選

用祇准隨案給予加級紀錄至候選各官京

官主事以下外官同知以下及捐納從六品

以下佐雜職銜並供事捐納正八品以下各

項佐雜

府經歷縣丞布政司照磨鹽運司知事按察司照磨府知事縣主簿州吏

目從九品未入流等項俱准其一體報捐職銜如係未經奏請議

敘以先加捐者均准其照依原銜敘用如在

奏請議敘之後始行捐銜概不准行或有呈

請註銷加捐陞銜仍照原有之職議敘並滿

洲蒙古漢軍人員充當謄錄報捐外官職銜

議敘時呈請改補京職者均不准行如謄錄

捐納京官職銜及捐納外官通判以上職銜

亦不准議敘選用其未經捐銜之謄錄供事

各以應選之項掣定職銜給予議敘至各館

書成議敘案內謄錄供事漏未聲敘所捐職銜及查戶部捐案未到部者俟題覆奉

旨後統限一年內令該謄錄供事將捐銜執照黏連具呈聲明呈驗查覈相符准其照銜議敘給予議敘執照如逾一年限外始行具呈聲明應毋庸議

貢監生員謄錄中式舉人及未經題覆之先鄉會試中式分別給予議敘

一凡貢監生員充補各館謄錄如有中式舉人

者卽照舉人給予議敘其未經中式之貢監
生員應以佐雜等官敘用適本館奏請議敘奉
旨之後吏部未經題覆之先有續經鄉試中式並舉
人由會試中式者俟該館專咨報部吏部卽
各按各館照先經中式人員應敘班次酌減
給予議敘

各館承辦人員註明等第不得自定班次
一凡各館書成奏請議敘祇准各該館將承辦
人員按其功課之勤惰到館之久暫分別一

欽定吏部則例

卷之八

銓選漢官

吳

下

二三等覈實註明造冊送部吏部分別尋常
議敘及從優議敘覈議具題概不准各該館
自定班次開單聲請以杜冒濫

議敘人員俟題明後掣定名次選用

一凡議敘人員如題明按掣定名次先後選用
者俟題明後卽以應得之項掣定名次先後
註冊選用如旣經掣定之後或因本員錯誤
聲請更正者卽確切查明仍將該員附於已
掣人員之末銓選若係承辦官吏錯誤致將

該員扣除掣籤後經查出奏請更正者除將承辦之員照例議處外其議敘之員應仍照原數添入名次籤補行統掣附於前次人員所掣名次之後作爲重數選用

辦工書算人等不准奏請議敘

一辦理工程書算人等如有當差勤慎者應聽各該管工大臣自行酌量獎賞概不准奏請議敘以官職選用

議敘吏部堂司各官送都察院查辦

欽定吏部則例

卷之八 銓選漢官

晃

下

一吏部滿洲漢堂司各員遇有應行議敘之案俱將應敘職名開送都察院查辦

刑部司員駁正案件議敘

一刑部咨題案件細小事情與例不符應行駁詰者毋庸置議外其有各省將應擬重罪人犯竟令脫網或無故之人羅織擬罪刑部司員細心查覈駁行覆審果得實情者於呈堂准行之時即將定稿滿洲漢司官各一員記名檔案俟改正後於每年十二月內具題交

與吏部議敘每一案准其紀錄一次隨同畫
稿之滿洲漢司官駁行更正二次者准其紀
錄一次駁行更正一次者合刑部記檔俟下
次彙題時聲明送部覈計議敘其隨同畫稿
已經陞任別衙門人員卽毋庸議敘
押運抵通無欠議敘

江南等省押運抵通無欠分別議敘

一江南浙江江西湖廣押運同知通判抵通如
一次無欠加一級二次無欠加二級三次無

欠不論俸滿卽陞其河南山東押運同知通
判抵通一次無欠紀錄二次二次無欠紀錄
三次三次無欠加一級四次無欠不論俸滿
卽陞掛欠詳載處分則例均應自初次起至三次四次
並無間斷將船糧押運抵通全完照例議敘
儻其中有失風失火等事下次押運抵通全
完均照初次之例議敘不准前後接算至未
邀議敘之先已經陞任人員例應卽陞者准
其於陞任內紀錄四次例應加級者准其於

陞任內紀錄一次其押運官員俱令該督撫
出具考語咨送吏部抵通之日船糧起卸通
完倉場侍郎卽行給咨送部吏部亦卽循例
帶領引

見不得遲滯如恭遇

皇上巡幸運員未便久候吏部奏明令該員親身押
運回空免其引

見

嘉慶十年七月奉

上諭吏部奏浙江糧道穆克登布押運抵通可否准其
引見一摺向來各省丞倅等官如押運漕糧銅勦等
項抵通有送部引見之例至浙江等省糧道押運從
前原祇至淮而止自無由引見嗣經定議令各道員
直押抵通而於引見一節並未議及因思丞倅等員
押運無誤尙加恩准其引見况道員職分較大如果
督催趨運經理妥協豈有轉不令其引見之理但官
員等引見總須該省督撫出具考語咨部辦理即如
上年江安糧道李奕疇三次押運抵通係由陳大文

奏請出考咨部引見合浙江糧道穆克登布未經該撫出具考語且本年河南山東江南等省押運道員皆未引見亦未便辦理歧異穆克登布著毋庸帶領引見嗣後各省押運道員均著該督撫照丞倅押運糧船咨部引見之例出具考語給咨送部如果沿途催趲認真並無過失俟到通交糧完竣後准其由倉場侍郎查明送部引見欽此又嘉慶十一年二月奉諭各省押運道員前經降旨令該督撫出具考語給咨送部俟抵通交糧完竣卽由倉場侍郎查明移咨

吏部帶領引見茲據瑚圖理奏湖北省道員押運向止趲抵臨清開口卽移交東省接催前進例不抵通可否請將該省道員俟押漕三次後准其出考給咨送部引見等語湖北等省距通州較遠卽令中途交替其所歷程站比之豫東江浙等省勞逸維均自應一體示以獎勵嗣後湖北省及湖南江西兩省糧道已屆三次如果催趲認真並無過失卽著該督撫出具考語給咨由倉場侍郎查明送部引見此外豫東江浙等省糧道直趲抵通者亦著俟押運三次後送

部引見以歸畫一欽此欽遵恭纂入例

道員督辦海運三次全完

一道員督辦海運三次全完並無過失准由該
省督撫出具切實考語由倉場侍郎查明給
咨送部引

見毋庸另給議敘

承運銅鉛無欠議敘

一雲南貴州知府同知知州通判提舉知縣承
運銅鉛抵京依限運交足數戶部帶領引

見後知照吏部查明如係實授人員任內並無不合
例事故與卓異之例相符者准其入於卓異
班內以應陞之缺遇卓異到班時先儘陞用
題署人員准其先以卓異註冊俟奉

旨實授後遇卓異到班時亦照實授人員之例一體
先儘陞用其試用候補人員果能依限運交
無欠亦於引

見後知照吏部查係曾經實授緣事離任仍發原省
或起復赴補揀發者無論知府同知知州通

判提舉知縣均歸於雙單月如無坐補原缺
並親老告近之員卽行選用得缺後將卓異
之案帶於新任遇卓異到班時與本項卓異
人員統較引

見日期先後照例陞用

如由部銓選以及題補題署者均俟咨報到任後再行陞

用

如由委用曾經題署尙未實授仍赴原省

及初任揀發之知府同知知州通判提舉知
縣承運並無逾限虧欠者知府同知知州通
判提舉歸於雙單月各積各缺與正班應用

人員分缺閒用先用正班一人次用承運銅
鉛一人知縣准其歸於雙單月無論是否積

缺一併計算五缺之後選用一人初任分發

試用知府同知知州通判提舉知縣均令各

回原省毋庸計其從前到省先後遇有應題

應調應選之缺悉准該督撫題請補用以上

委用並初任揀發分發試用各員均於銓補

得缺後即將卓異之案查銷改爲加一級帶

於新任

如係勞績保歸候補人員准其先以卓異註冊令回原省候補缺到任後

入於卓異班內以應陞之缺遇卓異到班時
先儘陞用其坐補原缺人員准其先以卓異
註冊俟回原省坐補原缺到任後入於卓異
班內以應陞之缺遇卓異到班時與本項卓
異人員統較引見至實授現任人員領
日期先後先儘陞用

運京銅如於差次緣事降革赴部引

見仍以原官補用又經戶部以運銅無虧帶領引

見仍回原省以原官補用者應令到省後歸於候補

班內照例題補俟得缺後准其將卓異之案

帶於新任遇卓異到班時統較引

見日期先後照例陞用

欽定吏部則例

卷之八

銓選漢官

五

下

接運銅鉛無欠議敘

一、滇黔二省領運銅鉛各官沿途遇有丁憂病故降革等項事故卽由經過省分之督撫另行委員盤查交收接運無論同知知州通判知縣若在儀徵以南接運到京果能依限解交足額於戶部帶領引

見後知照吏部查係實授人員任內並無不合例事故與卓異之例相符者准其入於卓異班內
按引

見日期先後陞用題署人員按實授奉

旨日期陞用至候補各員如係曾經得缺實授之員

俟得缺後將卓異之案帶於新任遇有應陞

之缺照例陞用如未經實授及初任揀發者

遇有該省應題應調應選之缺悉准該督撫

酌量補用其初任分發試用人員遇有陞調

所遺之缺本班到班准其先行補用均於補

缺後卽將甄敘之案查銷概毋庸歸部銓選

其湖南等省領運鉛勦人員亦卽照此辦理至儀徵以北距京較

近凡接運之員依限抵京運交足數者應准
共加一級

堵塞支河議敘

一江南山東河南等省黃河兩岸灘地衝刷支
河每年於霜降水落之後分派兵夫堵築如
應印各官所築土堤堅實漫灘之水足資抵
禦經過伏秋汛後並無坍塌者加一級二年
內亦能無誤加銜一等三年內始終無懈以
應陞之缺卽用

官員捐墾荒地議敘

一 本省文武官員捐給牛租招墾荒地十頃捐銀一百兩者准其紀錄一次四十頃捐銀四百兩者准其隨帶加一級多捐者計算增加令該督撫隨案咨部備覈吏部附入年終彙奏捐栽蘆葦樹木議敘

一 沿河栽柳栽楊之例俱行停止外其江南蓄水諸湖豫東二省黃河兩岸月格等堤內外以及沮洳坑塘等處栽種蘆葦仍照例辦理

准其議敘印河官員栽種蘆葦一頃者准其
紀錄一次二頃者紀錄二次三頃者紀錄三
次四頃者加一級民人有情願捐栽者確查
數目分別造冊咨部議敘如捐栽蘆葦不及
議敘之數者准其次年補栽地方官先行查
驗收管申報河督存案俟三年之內統計種
葦四頃者造冊報部議敘給與九品頂戴榮
身至捐栽樹木除福建浙江廣西三省凡可
種植樹木之處業已栽種無遺無事再爲勸

種貴州省試種桑麻俟有成效再行酌辦外
其直隸等十五省地方官具有能自出己貲
在官山官地栽種樹木三年後培養長成該
督撫委員查驗數目造冊送部成活五千株
者紀錄一次一萬株者紀錄二次一萬五千
株者紀錄三次二萬株者加一級分別議敘
各省商民如在官山官地栽種成活二萬株
及在己地內栽種成活一萬株者給以九品
頂戴榮身如生監能於官地內栽種成活四

千株及在己地內栽種成活二千株者免其
考職給以主簿職銜

孳生馬匹議敘

一游牧總管等所管馬羣於應孳生額定正數
外多孳生馬一千五百匹以應陞之缺卽用
如再多生以三百匹計算准其加一級

各倉監督議敘

一各倉監督除欽天監太常寺鴻臚寺鑾儀衛
各衙門司員毋庸保送外各衙門先儘一等

人員及二等人員內擇其年力富強才具幹

練之員出具切實考語保送

六部滿漢實缺及已經學習期

滿奏准留部之郎中員外郎主事均准一體揀選

定以三年更換遇

有滿洲漢員同時任滿准倉場於各倉監督

內將歷任一年以上者揀選一員調補仍將

該員前後任內扣算三年期滿內有俸滿應

陞人員准其照常陞轉仍俟差滿更換至差

滿之後盈餘米石議敘應行停止其初次任

滿之員如三年內實係才優守潔辦事精詳

釐剔弊端查修倉工用歸實在倉務整飭顧
粒無虧三年中無一叅案結實可靠之員無
論賢缺候補准倉場侍郎出具切實考語酌
保陞銜頂戴如係循分供職才具不
能出眾者概不准保並准奏
請留任三年各倉監督無論初任調任始終
奏留一經期滿即行更換如
如一者准其酌保陞階班次所有酌保陞銜
頂戴及陞階班
次均按尋常
勞績覈議其留任期滿之員即行更換不
得再行奏留儻不行更換復行奏請留任奉

旨允准之件吏部仍應請

吉更正至各項監督如有撤回原衙門行走者一概不准再行保送外任

道光四年正月奉

諭據軍機大臣大學士會同戶部議奏保送倉監督
激勵章程一摺所議是各倉花戶散法總由監督約
束不嚴自應愼加遴選明示勸懲不可僅應故事務
從其實以收得人之效嗣後各衙門保送監督欽天
監太常寺鴻臚寺鑾儀衛各衙門司員俱著毋庸保
送現任各員不必撤回仍責成該侍郎等隨時甄別

未補各員概予註銷其餘各衙門仍照向例令各該
堂官擇其明白體面兼有才具者秉公保送其結實
可靠之員准其奏留再任三年儻始終奮勉隨時奏
請卽予陞途至京察之年並著添保一員滿漢相閒
輪保務擇其才守俱優者列爲一等不得先儘坐糧
廳大通橋監督以昭公允各倉監督除舞弊得贓隨
時嚴辦將原保堂官交部議處外其不實心任事者
著該侍郎隨時叅處庸懦無能者咨回原衙門行走
並著停陞三年雖俸滿亦不准保送外任至花戶舞

弊係監督自行查出者卽專治花戶以應得之罪監
將失察處分概予寬免向例倉監督給予養廉祇領
半俸嗣後並賞給全俸用資辦公卽自本年春季爲
始其萬安海運二倉事務本繁著該侍郎於各監督
內揀員調補自此次定立章程之後務各秉公選擇
實心整頓以祛積弊而慎倉儲欽此應欽遵

諭旨恭纂入例

報開新廠督辦官員議敘

一雲南報開新廠督辦之地方各官有每年獲

銅二十萬觔以上者准其紀錄一次三十萬
觔以上者准其紀錄二次四十萬觔以上者
准其紀錄三次五十萬觔以上者准其加一
級均於歲底查明分別議敘如能獲銅八十
萬觔以上者該撫專摺奏請陞用如報關之
廠迄無成效視年月之久近查明廠員若有
玩忽卽隨時查叅議處

樂善好施議敘

紳士商民人等捐修 文廟書院等項覈

給匾額職銜級紀

一紳士商民人等有樂善好施急公報効捐修文廟書院義學考棚義倉橋梁道路及捐輸穀石銀兩以備公用者該督撫查明所捐穀石每石以銀一兩計算覈其實捐銀數在數十兩以上由地方官獎以花紅匾額一百兩以上該省督撫獎以匾額俱由該督撫自行覈辦其捐數較多者逐一造具清冊覈實具題係捐賑及報効各款則報戶部工程則報工部

覈實確查如果相符吏部分別議敘士民二百兩以上者給予九品頂戴三四百兩以上者給予八品頂戴一千兩以上給予鹽知事職銜二千兩以上給予縣丞職銜三千兩以上給予州判職銜四千兩以上給予按經職銜五千兩以上給予布經職銜六千兩以上給予通判職銜八千兩以上給予鹽提舉職銜一萬兩以上給予同知職銜一萬五千兩以上給予運同職銜二萬兩以上給予道員

職銜此內如候補候選及現有職銜頂戴者

八品頂戴及九品以下人員仍照士民一體

議敘八品以上職銜人員應按士民捐數將

本身職銜照前項議敘銀數減半抵算覈其

捐數給予應得議敘

如士民捐銀一千兩應議敘鹽知事職銜其本

係鹽知事從八品等項職銜者將本身職銜減半抵作五百兩再捐銀一千五百兩應議

與縣丞職銜之類至候補候選京職及京銜人員應

以京銜議敘未入流京職比照八品頂戴人

員捐數九品京職比照從八品職銜人員捐

數從八品以上各京職均照外官捐數遞加
一等給予加銜其應加京銜惟以從九品國
子監典籍從八品國子監典簿正八品司務
從七品中書科中書正七品太常寺典簿從
六品光祿寺署正正六品主事從五品員外
郎正五品郎中各按捐數分別議敘其郎中
以上仍加道員銜其有不及加銜銀數者均
查照現在官員給予加級紀錄至捐數較多
業已議予道員職銜及原係道員職銜者品

秩無可增加均按其所捐銀數議予加級紀
錄如有士民人等捐輸各項義舉無論捐銀
若干兩捐地若干頃祇准查照銀數覈計
分別給予議敘概不
准奏請官階班次

捐輸人員未經就職恩拔副貢等項分別

給予議敘

一捐輸人員內有未經就職之恩拔副貢生應
照從八品人員按其捐數給予議敘未揀選
舉人及未赴考之孝廉方正應照正八品人
員按其捐數給予議敘其不及加銜銀數者

均查照現任官員議敘給予加級紀錄

現任各官祇准分別銀數給予級紀

一現任各官無論何項議敘概不准請加陞班
俱按其所捐銀數給予加級紀錄三品以上
大員捐銀至一千五百兩者議予加一級三
百五十兩以上者議予紀錄一次其四品等
官捐銀一千二百兩五品等官捐銀一千兩
六品等官並七品之知縣捐銀九百兩其餘
七品等官捐銀八百兩八品等官捐銀七百

兩九品未入等官捐銀六百兩均議予加一級銀數較多者仍准以此覈計遞予加級但不得過五級以示限制其有不及加級銀數者四品等官三百兩以上五品等官二百五十兩以上六品以下各項官員二百兩以上均議予紀錄一次其不及二百兩者仍聽該督撫自行辦理

奉 旨從優議敘人員加等給予紀錄
一各項捐輸奉

旨從優議敘人員應得頂戴職銜者按其捐數應得
議敘酌加一等應得加級紀錄者酌加紀錄

三次

勸捐董事人員奉 旨從優議敘分別

給予紀錄頂戴

一勸捐董事出力人員如奉

旨從優議敘者紳士給予紀錄三次地方官亦給予

紀錄三次

其未經奉 旨從優議敘者紳士給予紀錄二次地方官亦給予

紀錄二次至生監商民等概給予九品頂戴

官紳士民捐輸病故並獲罪人員分別給
予建坊減等

一官紳士民捐輸銀兩未經議敘旋即病故者
分別給匾建坊以示獎勵均移咨禮部辦理
至曾經獲罪人員捐輸銀兩該省督撫將從
前獲罪緣由詳細聲明覈其情節尙非貪污
者按照捐數應得議敘酌減一等

行查捐輸各員咨覆遲延

一捐輸各員該督撫覈實具題並飭令地方官

出具並無抑勒及胥役侵漁浮冒印結一併咨部儻有抑勒及以少報多情事別經發覺除本人不准議敘外將題請之督撫及地方官交部議處其有捐數不符及年歲履歷舛錯等項事故應行查該省者按限咨覆如有遲延將地方官照例議處

捐輸軍餉河工辦賑修城重大事務分別京外現任候選候補人員給予職銜加班等項限制

一凡捐輸軍餉河工辦賑修城重大事務者京
外現任人員九品至未入流等官捐輸一千
兩以上加八品銜八品等官捐輸二千兩以
上加七品銜七品等官捐輸三千兩以上加
六品銜六品等官捐輸四千兩以上加五品
銜五品等官捐輸六千兩以上加運同銜如
七品之知縣捐輸五千兩以上加知州銜正
五品之同知直隸州知州捐輸一萬兩以上
加知府銜從四品之知府捐輸一萬五千兩

以上加道銜候選人員

有由廩生捐納分發學習未經奏留以前

例祇赴部投供者仍應作為候選人員

除道府運同品級較崇

不准保奏外京官郎中員外郎外官直隸州

知州捐輸二萬兩以上其餘五品等官捐輸

一萬五千兩以上六品七品內京官主事外

官知縣捐輸一萬兩以上其餘六七品等官

捐輸八千兩以上京外八品至未入流捐輸

四千兩以上准其保奏本班儘先選用

仍俟奉

旨後扣足五十五兩

各省分發試用人員

之限方准按班銓選

照候選人員之例除道
府運同不准保奏外
直隸州知州捐輸一

萬兩以上其餘五品等官捐輸八千兩以上

知縣捐輸六千兩以上其餘六七品等官捐

輸四千兩以上八品等官捐輸三千兩以上

九品至未入流捐輸二千兩以上准其各就

本班到班時照分缺掣用之例先用正班一

人次用捐輸出力一人

不積本班之缺

以率

旨後接到部文之日起按班計算以上各項銀兩如

實係獨力捐輸經該督撫確切查明據實題奏奉

古准行或奉

古交議及交部議敘吏部均卽覈其所捐事務所輸

銀數與例相符者始行議准其有銀數不符

僅以董事

此指紳士而言

出力保奏或並未捐銀亦

以董事出力保奏者

除軍營人員仍准酌量保奏外其餘無論何項

事務出力雖奉

古允准吏部仍查明奏請更正給予加一級

至承辦

地方委員如果實有在事出力者另准酌量保奏歸入各項著有勞績之例辦理

議敘職銜頂戴人員題准後該督撫造冊

備文請領部照

議敘職銜頂戴人員題准後行知該督撫卽
造具三代履歷年貌清冊並飭令地方官出
具切實印結備文請領吏部填寫執照封發
該督撫轉給該員收執遇有開捐事例准其
照捐職人員之例一體報捐

粵東閩省商民運米議敘

廣東生監商民自備資本領照前赴安南等
國運米回省糶濟民食數在二千石以內者

酌量獎勵數在二千石以上奏請分別議敘
運米二千石以上至四千石者生監給與吏
目職銜民人給與九品頂戴四千石以上至
六千石者生監給與主簿職銜民人給與八
品頂戴六千石以上至一萬石者生監給與
縣丞職銜民人給與七品頂戴福建生監商
民前赴暹羅等國運米同至漳州泉州二府
雜濟民食者數在一千五百石以上至二千
石者生監給與吏目職銜民人給與九品頂

戴二千石以上至四千石者生監給與主簿
職銜民人給與八品頂戴四千石以上至六
千石者生監給與縣丞職銜民人給與七品
頂戴六千石以上至一萬石者生監給與州
判職銜民人賞給把總職銜其帶回米石情
願運赴省城糶賣者照漳州等處糶賣之例
仍按照米數分別生監商民給與職銜頂戴
其有已邀議敘之人仍照米數遞加如廣東
省生監已遞加至縣丞職銜民人已遞加至

七品頂戴福建省生監已遞加至州判職銜
民人已遞加至把總職銜又有運米數多者
令督撫酌量獎賞毋庸再議加級職銜頂戴
各省書院掌教年滿議敘

一各省省會設立書院所以樂育人材各該督
撫慎選經學淹通教術純正之人掌教務須
勸學程功俾有實濟均以六年爲滿該督撫
等秉公考察如果教術可觀著有成效該督
撫隨案咨部分別議敘吏部附入年終彙奏

禁止幕賓議敘並屬員不准私充幕友

一各省幕賓概不准邀請議敘其籍隸本省並本省屬員亦概不准入幕襄理如有違例延請及濫行保奏者查參議處

道光四年四月奉

上諭御史蔡學川奏請嚴禁幕友濫邀議敘一摺所奏是朝廷議敘之典原所以鼓勵人材至幕友襄理幕務由本官自行延請與在官供職者不同若以有職人員舍官就幕遂得濫邀甄敘既難免大員市恩賄

徇等弊且開各項人員規避取巧之端嗣後各督撫
鹽政等奏請一切議敘概不准將幕友保列以杜冒
濫欽此又八年十二月奉

上諭御史慕維德奏請釐剔積弊以飭官方一摺屬員
私充幕友久干例禁聞近時仍不免此弊以候補佐
貳丞倖幫辦幕務或專司招奏俟有駐省缺出以之
題補俾得仍留署辦事亦有題補省外之缺聽該員
倩人代署遇有應議敘事件該員卽未身莅其事亦
得開列儘先有應陞之缺卽可不次陞擢該員巧於

迎合藉端撞騙流弊不可勝言嗣後著嚴行飭禁儻
有以屬員充當幕友者一經查出定將該督撫嚴加
議處並將濫充幕友之員從重懲辦等因欽此又十
三年十一月奉

諭御史尙開模奏請飭禁幕友濫邀議敘一摺朝廷
甄敘之典所以鼓勵人材其襄理幕務由本官自行
延請與在官供職不同朕曾通諭各督撫鹽政等概
不准將幕友保列以杜冒濫前據盧坤奏請將襄辦
文案出力之幕友候選州同宋緒加以獎勵朕因係

五品虛銜與受職稍有區別是以降旨准行今據該御史奏此端一開各省相率效尤將有職人員延入內署商榷公事以爲將來保薦地步其需次各官藉此夤緣招搖均所不免實不可不防其漸所有候選州同宋緒賞給五品銜之處著卽撤銷虛卹違例奏請並著交部議處嗣後各直省督撫概不准以本省屬員入幕襄理如再有以幕友濫行邀請議敘者著吏部查明參奏以重名器而肅官常欽此應欽遵

諭旨恭纂入例

武英殿修書議敘

一

武英殿修書校對人員原額十缺裁去四缺仍留六缺於國子監肄業貢生內揀派正途出身書法端楷者咨送仍聽

武英殿覆加考驗再行充補如有書法潦草年齒衰頹者咨回另送其充補人員五年期滿行走好者分別等次咨送吏部議敘此內恩拔副榜之業經就職考職人員准其以所就所

考之項議敘未經就職考職者均以應考之
州同州判縣丞三項兼掣以掣得之項議敘
其議敘應得班次及未經期滿復經中式舉
人應得議敘之處俱照各館之例辦理

繙譯謄錄等官議敘

一修書各館效力人員原有應得議敘如遇考
試筆帖式時俱不准其考試其議敘年分俱照
國史館之例定以五年期滿令該館分別等第奏
請議敘一次其行走未滿五年者於奏請議

敘時亦令該館奏明先行分別等第咨送吏部存案另派別館繙譯膳錄譯漢官上不食公費額外行走按其從前補館月日通計接算扣足五年再行咨部仍照各本館原定等第議敘